



2018-4

21. december 2018

Nal. nr./j.nr.: 2015-907-0014

All. nr./brevnr.: 58887

Sull./sagsbeh.: KJ/jh

Pineqartoq:

Piffissaq suliamik suliarinnin-
nermi atorneqartoq

Piffissaq suliap meeqqamik angerlarsimaffiup avataanut inissiinermut akuersinermik tunuartitsinermut tunngasup suliarineqarneranut atorneqartoq isorisarialik

Kommuni X-ip meeraq 13-inik ukiulik angajoqqaatut oqartussaassusermik tigummiaqartoq akuersitillugu angerlarsimaffiup avataanut 2011-ip naalernerani inissippaa. Angajoqqaatut oqartussaassusermik tigummiaqartup inissiinermut akuersinini tamatuma kingornatigut 2012-imi majimi aamma junimi tunuartippaa, meeqqallu angerlartinneqarnissaa qinnutigalugu.

Angajoqqaatut oqartussaassusermik tigummiaqartoq 2013-imi nuuppoq suliarlu Kommuni Y-mut nassiunneqarluni, taassumalu suliamik suliarinnineq tiguua. Kommuni Y-li angajoqqaatut oqartussaassusermik tigummiaqartup 2014-imi oktoberimi Kommuni Z-imut nuunnissaata tungaanut suliami aalajangiinngitsoorpoq.

Akuersineq 2012-imi tunuartinneqarmalli inissiinerup inatsimmik unioqutitsissuusimanera angajoqqaatut oqartussaassusermik tigummiaqartup Ombudsmandimut 2015-imi martsimi naammagittaalliuutigaa, tassami taamanili akuersisitsinani inissiisoqarnissaanik aalajangiisoqarsimangimat.

Kommuni Z 2016-imi - meeqqap 18-iliinissaa qaammatinik marlunnik sioqqullugu - aalajangiivoq meeraq angerlartinneqarsinnaanngitsoq, angajoqqaatulli oqartussaassusermik tigummiaqartoq akuersitinnagu angerlarsimaffiup avataani inissisimassasoq.

Ombudsmandi isumaqarpoq Kommuni X-ip suliap ingerlasimanera pillugu allakkatigut uppernarsaatinik sukumiisunik peqannginnera isorisariaqartuusoq. Kommuni X-illi sulianik suliarinninnermi siunissami amigaatit taamaattut pinaveersimatinniarlugit ingerlatsivimmi sulianik suliarinninnermi tunaartarisassaliornermigut kommunip suleriaatsiminik pitsanngorsaa-lersimaneranik paasissutissiissutigisaa Ombudsmandip pitsaasutut isigaa.

Ombudsmandip oqaatigaa angajoqqaatut oqartussaassutsimik tigummiaqartup akuersinermik 2012-imi aasakkut tunuartitsinerata kingornatigut susoqarsimanera suliap amigartumik paasissutissartalorsorneqarsimanera ilaatigut pissutigalugu erseqqarluttoq. Kommuni X-ip oqaatigaa meeraq angerlartinneqarsimasoq, angajoqqaatulli oqartussaassutsimik tigummiaqartup oqaatigalugu angerlartitsineq pineqarnerani aasaanerani feriarnermi sivilunerusumik angerlarsimaffimmiinneq pineqartoq.

Kommuni X-ili 2012-imi aasap ingerlanerani aalajangiisimasoq tassanilu angajoqqaatut oqartussaassutsimik tigummiaqartup akuersinermik tunuartitsisimaneranik isummerfiginnissimasoq Ombudsmandip tunngaviutissinnaanngilaa.

Ombudsmandip naliliinera unaavoq Kommuni X-ip suliapi amigartumik uppernarsaasersuisimanera kommunit kingullit marluk suliap ingerlasimaneranik paasisaqarnissaminnut periarfissaannut taamalu aamma piffissamut kommunit taakkua suliapi suliarinninnerminnut atugaannut sunniuteqarsimasoq ilimagisariaqartoq.

Angajoqqaatut oqartussaassusermik tigummiaqartup angerlarsimaffiup avataanut inissiinnermut akuersinermik tunuartitsinerata kommunimit suliarineqarsimannnginnera "ajuusaarnartorujussuusoq" suliap Ombudsmandimi suliarineqarneranut atatillugu Kommuni Z-ip oqaatigaa. Ombudsmandip Kommuni Z isumaqatigaa oqarmat piffissaq suliapi suliarinninnermut atorineqartoq iluarinangitsoq.

Taamaalilluni angajoqqaatut oqartussaassusermik tigummiaqartup akuersinerminik tunuartitsineranit Kommuni Z-ip aalajangiinissaata tungaanut ukiut katillugit sisamat sinnerlugit ingerlasimapput.

Ombudsmandip inerniliilluni oqaatigaa piffissat Kommunip X-ip, Kommuni Y-p aamma Kommuni Z-ip suliamik suliarinninnerminnut atugaat isorisa-riaqartuusut. Ombudsmandip piffissamik suliamik suliarinninnermut atorneqartumik naliliinermini ilaatigut piffissat kommunit ataasiakkaarlutik suliamik suliarinninnerminnut atugaat pingaartillugit isiginiarpai. Angajoqqaatut oqartussaassusermik tigummiaqartoq akuersitinnagu angerlarsimaffiup avataanut inissiinerup akuliuffiusorujussuarmik iliuusaanera Ombudsmandip aamma pingaartillugu isiginiarpaa.

Ombudsmandip tamatuma saniatigut aamma oqaatigaa angajoqqaatut oqartussaassusermik tigummiaqartoq Kommuni Y-p suleqatiginiarlugu ataatsimiigiaqqullugu arlaleriarluni aggeqqusarsimagaluaraa, Kommuni Y-li angajoqqaatut oqartussaassutsimik tigummiaqartup akuersinerminik tunuartitsinerata nassatarisaanik suliami pingaaruteqartunik allanik iliuuseqarsimanersooq erseqqarluttoq.

Ombudsmandilli oqaatigaa angajoqqaatut oqartussaassusermik tigummiaqartup kommunit qanoq iliussasut kissaatiginneraa kommunit suliamik suliarinninnerminni angajoqqaatut oqartussaassusermik tigummiaqartumut attaveqartarnertik aallaavigalugu nalornisarsimasinnaanerat paasisinnaagini.

Kiisalu Ombudsmandip tikkuarlugu oqaatigaa piffissaq suliamik suliarinninnermut atorneqartoq sivisooq angajoqqaatut oqartussaassutsimik tigummiaqartup inissiinermik Isumaginninnermi Naammagittaalliuuteqartarfimmut naammagittaalliuutiginninnissaminut mattunneqarneranik ilaatigut nassataqarsimasooq, Ombudmandillu paasinninnera unaavoq tamatuma angajoqqaatut oqartussaassusermik tigummiaqartup inatsiseqartitsinikkut innarlitsaalineqarnera aalajangiisuusumik sanngiillisissimagaa.

(Oqaaseqaat 21. december 2018-imeersoq, j.nr. 2015-907-0014)

Suliami pineqartut kikkuussusiinik ilisarnarunnaarsaanermi taaguutit makku atorreqarput:

A: Naammagittaalliortoq, B-p anaanaa

B: Meeraq inissinneqartoq

C: Naammagittaalliortup inooqataa

Eqqartuussissuserisoq D: A-p eqqartuussissuserisua

Kommuni X: A-p kommuni 2011-mi novemberimit 2013-imi martsimut najugaqarfigisaa

Kommuni Y: A-p kommunip 2013-imi martsimit 2014-imi novemberimut najugaqarfigisaa

Kommuni Z: A-p kommuni 2014-imi novemberimit najugaqarfigisaa

Illoqarfik XX: Kommuni X-imi illoqarfik

Illoqarfik YY: Kommuni Y-mi illoqarfik

Illoqarfik ZZ: Kommuni Z-imi illoqarfik

Paaqqinniffik Æ: Paaqqinniffik siulleq B-p inissinneqarfia

Paaqqinniffik Ø: Paaqqinniffiit aappaat B-p inissinneqarfia

Paaqqinniffik Å: Paaqqinniffiit pingajuat B-p inissinneqarfia

Ombudsmandip oqaaseqaataa:

1. Misissuininnik killissalersuineq

A-p uannut naammagittaalliummini nassuiaatitut ilaatigut oqaatigaa B angajoqqaatut oqartussaassusernermik tigummiqartoq akuersitinnagu mas-sakkut inissinneqarsimasoq, inissiinerlu A inissiinermut akuersinerminik 2012-imi tunuartitsimmalli meerarlu angerlarteqqullugu qinnutigimmaguli inatsimmik unioqqutitsisuusimasoq, tassami angerlarsimaffiup avataanut akuersisitsinani inissiisoqarnissaanik taamanili aalajangiisoqarsimanngimmat.

Aallaqqaasiinermi oqaatigineqartutut misissuininni B-p angerlarsimaffiup avataanut inissinneqarneranut akuersinermik A-p tunuartitsinerata kingorna-

tigut Kommuni Z-ip suliame 2016-imi julimi aalajangiinissaata tungaanut piffissaq Kommuni X-ip, Kommuni Y-p aamma Kommuni Z-ip suliamek suliarininnerminnut atugaannik misissuineq aallunniarlugu aalajangerpunga. Apeqqut taamma immikkoortuni 5-imit 8-mut isummerfigaara.

Kommuni X-ip apeqqummik taassuminnga misissuininnut atatillugu uannut ajuusaarutigalugu oqaatigaa "suliap ingerlasimanera pillugu paasissutissanik pisariaqartunik pissarsiniarnini kommunip assut ajornartorsiutigisimagaa". Tamatuma oqaaseqaateqarnissannut aamma pissutissaqalersippaanga. Apeqqut taanna immikkoortumi 5.2 -imi allaaseraara.

2. Suliap pingaarnerusutigut ingerlasimaneranik uanga paasinnin- nera

B angajoqqaatut oqartussaassusermik tigummiaqartoq A akuersitillugu Kommuni X-imit angerlarsimaffiup avataanut 29. november 2011-mi inissinneqarpoq, paaqqinniffimmut imminut pigisumut Æ-mut. B piffissap taamaalinerani 13-inik ukioqarpoq.

A 31. maj 2012-imi allappoq ilaqutariit B angerlarsimaffimmi najugaqartissallugu massakkut piareersimasut.

Taamatut oqarneq eqqartuussissuserisup D-p Kommuni X-imut allagaasigut 14. juni 2012-imeersutigut qalleqqinneqarpoq. B-p angerlarsimaffiup avataanut inissinneqarneranut akuersinini A-p allakkani taakkunani tunuartippaa. B imminnut angerlartinneqaqqullugu A-p aamma qinnutigaa.

B 2012-imi aasap ingerlanerani A-mi najugaqaqqippoq. Kommuni X-ip uannut oqaaseqaammini 4. marts 2016-imeersumi oqaatigaa B angerlartinneqarsimasoq, A-lli uannut allakkamini 7. oktober 2017-imeersuni oqaatigalugu B taamaallaat aasaanerani feriarnermini angerlarsimaffiminniissimasoq. Isumaqatigiinnginneq taanna immikkoortumi 5.2-mi sukumiinerusumik allaaserineqarpoq.

Kommuni X-imi isumaginninnermi pigaartuusoq 23. juni 2012-imi aggeqquneqarpoq, tassami B aamma A angerlarsimaffimmi kamaassimmata. Tamatuma kingornatigut qanoq pisoqarsimanera uannut erseqqarluppoq, paa-sivarali B tamatuma kingornatigut A-mi najugaqarsimanngitsoq, tamatumali kinguninnguatigut paaqqinniffimmi Æ-mi najugaqaqqilersimasoq.

B paaqqinniffimmit Æ-mit paaqqinniffiup Æ-p najugaqarfiutaanut Ø-mut 2012-imi augustip naanerani septemberilluunniit aallartinnerani nuuppoq.

Kommuni X-imi Meeqqanik Ilaqutariinnillu Sullissiviup nalunaarusiaanit 2012-imi novemberimeersumit erserpoq A-p inooqataatalu B-mut attaveqarnissartik kissaatigiunnaarsimagaat.

A illoqarfimmut YY-mut 1. marts 2013-imi nuuppoq. Taamaattumik Kommuni X-ip suliami allagaatit Kommuni Y-mut 8. april 2013-imi nassiuppai.

Kommuni Y-p A tamatuma kingornatigut suliaq pillugu arlaleriarluni ataatsimeeqatigisarsimavaa.

A illoqarfimmut ZZ-imut 16. oktober 2014-imi nuuppoq. Suliami allagaatit Kommuni Z-ip Kommuni Y-mit 7. november 2014-imi tiguai.

Panimmi B-p angerlarsimaffiup avataanut inissinneqarneranut atatillugu suliap ingerlasimanera A-p uannut 14. marts 2015-imi naammagittaalliuutigaa.

B paaqqinniffimmit Ø-mit ulloq unnuarlu paaqqinniffimmut Å-mut 23. februar 2016-imi nuuppoq.

Kommuni Z 13. juli 2016-imi aalajangiivoq B angerlarsimaffiup avataani inissisimaannassasoq, A akuersitinnagu. Piffissap taamaalinerani B angerlartinniarlugu A-p siullermik qinnuteqarneranit ukiut sisamat sinnerlugit ingerlasimapput.

Kommuni Z-ip aalajangiinera 13. juli 2016-imeersoq A-p Isumaginninnermi Naammagittaalliuteqartarfimmu 21. juni 2016-imi naammagittaalliutigaa.

B [...] september 2016-imi 18-inik ukioqalerpoq. Taamaattumik suleqatima ilaata B ataatsimeeqatigaa, suliamillu uanga suliarinninninnik ilisimatillugu. B-p tamatumunnga atatillugu oqaatigaa misissuininnik ingerlatitseqqinnera akuerigini/paasigini.

B-p A akuersitinnagu angerlarsimaffiup avataanut inissinneqarnissaanik Kommuni Z-ip aalajangiinera eqqortuusooq Isumaginninnermi Naammagittaalliuteqartarfik 17. maj 2017-imi aalajangiivoq.

3. Inatsiseqartitsinikkut tunngavik

3.1. Takussutissaq

Tulliuttuni inissiisarneq angerlartitsisarnerlu pillugit malittarisassat (imm. 3.2-mi), piffissaq suliamik suliarinninnermut atorneqartartoq (imm. 3.3-mi) aamma allakkatigoortitsisarneq (imm. 3.4-mi) pillugit malittarisassat misissuininnut attuumassuteqartut allaaseraakka.

Tamatumunnga atatillugu malittarisassat makku ilanngutissavakka: (1) meeqqanik inuusuttunillu ikiorsiisarneq pillugu Inatsisartut peqqussutaat nr. 1, 15. april 2003-meersoq kingusinnerusukku allannguuteqartinneqarsimasoq taamani atuuttoq (matuma kingornatigut meeqqat pillugit peqqussummik taaneqartartussa), (2) meeqqat tapersersorneqarnissaat pillugu Inatsisartut inatsisaat nr. 20, 26. juni 2017-imeersoq massakku atuuttoq (matuma kingornatigut meeqqanik tapersersuisarneq pillugu inatsimmik taaneqartartussa) aamma (3) pisortat ingerlatsineranni suliassat suliarineqartarnerat pillugu Inatsisartut inatsisaat nr. 8, 13. juni 1994-imeersoq (matuma kingornatigut suliassat suliarineqartarnerat pillugu inatsimmik taaneqartartussa).

Inatsiseqartitsinikkut tunngaviit taakkua ilaat Danmarkimi inatsiseqartitsinikkut tunngaviit pingaarnerusutigut assigaat, taamaattumillu matuminnga qulaajaaninni Danmarkimi inatsisilerineq pillugu allaaserisat atuakkiallu aamma Folketingip Ombudsmandiata periaasia ilannguttarniarpakka. Oqaatigaara Folketingip Ombudsmandiata isumai sulianut taakkununga inner-suussutigisannit ersertut ilalerikka.

3.2. Inissiisarneq angerlartitsisarnerlu pillugit malittarisassat

3.2.1. Meeqqanik inuusuttunillu ikiorsiisarneq pillugu malittarisassat – matumani angerlarsimaffiup avataanut inissiisarnermut tunngasut ilanngullugit eqqarsaatigalugit – piffissami B-p inissinneqarnerata nalaani 1. juli 2017-illu tungaanut meeqqat pillugit peqqussutikkut aalajangersarneqarsimapput.

Meeqqanik inuusuttunillu ikiorsiisarneq pillugu malittarisassat 1. juli 2017-imit meeqqanik tapersersuisarneq pillugu inatsisikkut aalajangersarneqarput. Tamanna meeqqanik tapersersuisarneq pillugu inatsimmi § 62, imm. 1-ikkut aalajangersarneqarpoq.

Meeqqat pillugit peqqussut aalajangersakkanik arlalinnik misissuininnut attuumassuteqartunik imaqarpoq.

Meeqqat pillugit peqqussummi § 9, imm. 2, nr. 10-kkut aamma § 10, imm. 1-ikkut aalajangersarneqarpoq meeraq inuusuttorluunniit kommunalbestyrelsip soorlu ulloq unnuarlu paaqqinniffimmut angajoqqaatut oqartussaassusermik tigummiaraqtoq akuersitillugu inississinnaagaa.

Inuusuttoq 15-inik ukioqalereersimappat inuusuttoq inissiinermut akuersitinneqassasoq aalajangersakkakut tassuuna piumasaqaatigineqarpoq. Tamanna meeqqat pillugit peqqussummi § 9, imm. 1-ikkut aalajangersarneqarpoq.

Inuusuttup angerlarsimaffiup avataanut inissinneqarnissaa angajoqqaatut oqartussaassusermik tigummiaraqtoq – inuusuttulluunniit 15-inik ukioqale-

reersimasup - akueriumangippagu kommunalbestyrelsi sulii aalajangiisinnaavoq meeraq inuusuttorluunniit angerlarsimaffiup avataanit inissinneqasasooq. Taamatulli inissiisoqassappat ilaatigut piumasaqaataavoq meeqqap peqqissusiata imaluunniit ineriartornerata ilungersunartumik ajoquserneqarsinnaanera qularnanngitsumik ulorianartorsiussasooq, Akuersisitsinani inissiineq meeqqat pillugit peqqussummi § 10-kkut aalajangersaavigineqarpoq.

Ikorsiiniuteqarnermi siunertarineqartoq anguneqarpat, ikorsiiniutigineqartoq siunertaminik naammassinnikkunnaarpat inuusuttorluunniit 18-inik uki-oqalerpat angerlarsimaffiup avataanut inissiineq unitsinneqassaaq, tak. Inatsisartut peqqussutaanni § 27, imm. 1 aamma 2. Aalajangersagaq taanna atuuppoq, meeraq angajoqqaatut oqartussaassusermik tigummiaqartoq akuersitillu akuersitinnaguluunniit inissinneqarsimanersoq apeqqutaatinnagu.

3.2.2. Meeqqamut angerlarsimaffiup avataanut akuersisitsilluni inissinneqarsimasumut angajoqqaatut oqartussaassusermik tigummiaqartup meeraq angerlarsimaffiup avataani inississimaneqarunnaassasooq kissaatigigini kommunimut nalunaarutigippagu kommuni suliami nutaamik aalajangiissaaq.

Kommunip inissiineq attatiinnarsinnaavaa, akuersisitsinani meeqqat pillugit peqqussummi § 10 tunngavigalugu aalajangiinermigut, tamanna pillugu piumasaqaataasut eqqortinneqarsimappata.

Angerlartitsineq meeqqap pisariaqartitaanut assortuuttuuppat angerlarsimaffiup avataanut inissiineq unitsinneqassanngitsoq aalajangiinissamut meeqqat pillugit peqqussummi § 29-p kommunalbestyrelsi aammattaaq periarfissippaa. Tamanna atuuppoq inissiinerup angajoqqaatut oqartussaassusermik tigummiaqartoq akuersitillugu akuersitinnaguluunniit pisimanera apeqqutaatinnagu.

Meeqqat pillugit peqqussut kommunip tamatumunnga atatillugu suliamik suliarinninnera pillugu piumasaqaatinik arlalinnik imaqarpoq. Meeraq inuusuttorluunniit ulloq unnuarlu paaqqinniffimmut inissinneqarsimappat pineqartoq paaqqinniffimmit angerlartinneqassanersoq aalajangiinnginnermini

kommunip ulloq unnuarlu paaqqinniffik oqaaseqaammik pissarsiniarfigissavaa. Tamanna meeqqat pillugu peqqussummi § 28, imm. 2-kkut aalajangersarneqarpoq.

Taamani Ilaqutariinnermut Pisortaqarfiusup meeqqanik inuusuttunillu ikior-siisarneq pillugu ilitsersuusiani 2003-imi saqqummersinneqartumi imm. 14.6 innersuussutigaaara, tassanilu meeraq angerlartinneqarsinnaanngitsoq kommuni aalajangiigaangat periaasiusartoq sukumiinerusumik allaaserineqarpoq.

Kommunip aalajangiineri – meeqqat pillugit peqqussummi §§-t 9, 10 imaluunniit 29 tunngavigalugit pisimanerat apeqqutaatinnagu – Isumaginninnermi Naammagittaalliuuteqartarfimmut peqqussummi § 39 tunngavigalugu naammagittaalliuutigineqarsinnaapput.

3.3. Piffissaq sulianik suliarinninnermut atorneqartartoq pillugu malittarisassat

Angajoqqaatut oqartussaassusermik tigummiartup inissiinnermut siusinnerusukkut akuersinini tunuartippagu kommunip qanoq pilertortigisumik aalajangiinissaanut piffissaliussanik meeqqat pillugu peqqussummi immikkut aalajangersaasoqarsimanngilaq.

Suliassat suliarineqartarnerat pillugu inatsimmi inatsisiniluunniit allani oqartussaassut piffissaq sulianik suliarinninnerminnut atortagaat pillugu ataatsimut malittarisassanik aammattaaq aalajangersaasoqarsimanngilaq.

Naatsumilli oqaatigalugu ingerlatsinermi ileqqorissaarnerup nassatarisaa tassaavoq pisortat ingerlatsivianni suliart piffissap naammaginartumik siviussuseqartup iluani suliarineqartassasut pisariaqanngitsumillu sivitsuloo-runneqartassanngitsut.

Suliani siusinnerusukkut suliarisimasanni arlalinni, soorlu suliarni 2009-mi ukiumoortumik nalunaarutinni imm. 5-7-2-mi ilanngunneqartumi, piffissaq

suliamik suliarinninnermut atorneqartoq pillugu piumasaqaat Kalaallit Nu-naanni Namminersornerullutik Oqartussat Inatsisileriffiata suliassat suliarineqartarnerat pillugu inatsit pillugu ilitersuusuaani december 1994-imeer-sumi imm. 199-imi aamma 204-mi allaaserineqartoq innersuussutigisarpa-ra. Taakkunannga makku erserput:

“**199.** Suliassat tamarmik pisortat ingerlatsiviini suliarineqartut soorunami sapinngisamik pisariitsumik, pilertortumik aningaasartuutaavallaanngitsumillu suliarineqartarnissaannik piumasaqaat pingaartumik atuuppoq suliassanut inuit ataasiakkaat imaluunniit namminersorlutik ingerlatseqatigiiffiit, suliffeqarfiit, peqatigiiffiit il.il. attuumassuteqarfigisaanni.

[...]

204. Suliassat suliarineqartarnerat pillugu inatsit suliassat qanoq sivisutigisumik suliarineqartarnissaat pillugu nalinginnaasunik aalajangersagartaqanngilaq. Tamatumunnga ilaatigut pissutaavoq suliassat pisortat ingerlatsiviinit suliarineqartartut assigiinneqimma-ta assigiinneqisunillu annertussuseqartarlutik, taamaattumik inatsisikkut pisortat ingerlatsiviini qanoq sivisutigisumik suliarineqartarnissaasa aalajangersimasumik malittarisassi-ornissaat ajornarluinnartussaalluni, tassa eqqartuussivinni ajornarpallaanngitsumik ator-tinniarneqarsinnaasunik.

Kisiannili Folketingip Ombudsmandiata oqaaseqaatigisartagai tunngavigalugit nalingin-naasumik ingerlatsinermi ileqqorissaarnerup malinniarneqarnissaani suliassat qanoq sivi-sutigisumik suliariniarneqartarnissaat pillugu malittarisassaqaartitsisoqarpoq, matuma a-taani suliamut tunngassuteqartup suliap qanoq sivisutigisumik suliarineqassanganneqar-neranik ilisimatinneqartarnissaa ilanngullugu.

Ombudsmandip aammattaaq aalajangikkat ilaanni tikkuaavigisarsimavaa suliat sivisuumik aalajangiivigineqaratik uninngatinneqartarnissaat pinaveersaarniarlugu kiisalu puigorto-or-neqarlutik aalajangiivigineqanngitsoortarnissaat pinaveersaarniarlugu oqartussaasut *naammattumik atorsinnaalluartunik suliat uterfigeqinneqartarnissaannut allattuiffiliortar-nissaat.*”

Taamaalilluni piffissap suliamik suliarinninnermut atorneqartup naammagi-nartumik sivisussuseqartup suunera ataatsimut akineqarsinnaanngilaq, suli-anili ataasiakkaani pineqartuni naliliinermik tunngaveqartariaqarluni.

Oqartussaasoq suliamik pisariaqarneratut pilertortigisumik suliarinnissima-nersoq apeqqummik naliliinermi piffissap suliamik suliarinninnermut atorne-

qartup tamarmiusup saniatigut pissutsit allat aamma isiginiarneqartariaqarput. Taakku soorlu tassaasinnaapput suliap suussusia, ajornakusuussusia, oqartussaasup misissuisariaqarnerisa annertussusiat oqartussaasullu suliani tassunga assingusuni piffissaq suliamik suliarinninnerminut atortagaa. Aamma tassaasinnaavoq suliami illua'tungiusup pilertortumik aalajangiisoqarnissaanik pisariaqartitsinera soqutigisaqartuuneralu.

Piffissaq pisortani oqartussaasut sulianik suliarinnittarnerminni atortagaat pillugu piunasaqaatit Niels Fengerip atuakkiaani "Forvaltningsret"-imi 2018-imeersumi quppernemi 688 tulliinilu aamma Jon Andersenip atuakkiaani "Forvaltningsret, Sagsbehandling, Hjemmel, Prøvelse"-mi 2006-imi arfinilissaanik naqitertinneqartumi quppernermi 206-imi sukumiinerusumik allaaserineqarput.

3.4. Allakkatigoortitsisarneq pillugu malittarisassat

3.4.1. Meeraq angerlarsimaffiup avataanut inissinneqarsinnaalertinnagu imaluunniit angerlartinneqarsinnaalertinnagu kommuni qulaani oqaatigineqartutut aalajangiissaaq. Meeqqap meeqqat pillugit peqqussummi § 29 tungavigalugu inissinneqareersimasup angerlartinneqarnissaa kommunip itigartitsissutigippagu tamanna taamatuttaaq atuuppoq.

Meeqqat pillugit peqqussummi § 12 pillugu oqaaseqaatinit erserpoq pinngitsaaliilluni peqqussummi § 10 tungavigalugu inissiisoqarnissaanik aalajangiineq allakkatigoortuussasoq. Aalajangiineq inissiinermut tungavilersuummik aamma illersuisoqarsinnaatitaaneq pillugu ilisimatitsissummik kii-salu inissiineq pillugu oqaaseqaateqarsinnaatitaaneq pillugu ilisimatitsissummik aammattaaq imaqaassaaq.

Meeqqat pillugit peqqussut allakkatigoortitsinissaaq pillugu malittarisassanik amerlanerusunik imaqaangilaq – taamaalillunilu peqqussut taanna malittarisassanik angerlartitsineq pillugu aalajangiinerit oqaasiinnartigut nalunaarutigineqassanersut aalajangersaasunik aamma imaqaangilaq.

Ingerlatsineq pillugu inatsiseqartitsinermi aalajangiinerit allakkatigut nalunaarutigineqassasut malittarisassamik nalinginnaasumik tamatuma saniatigut atuuttoqanngilaq. Taamaalilluni inatsisini suliamut matumunnga attuumassuteqartuni allakkatigut aalajangiisoqartassasoq piumasqaataanngipat oqaasiinnartigut aalajangiineq aallaavittut naammattussaassaaq.

Ingerlatsinermili ileqqorissarnerup makku nassatarai, tassalu aalajangiineq oqaasiinnartigut nalunaarutigineqartoq aalajangiinermi pineqartumut nanertuutaasoq allakkatigut uppersartariaqartoq, aalajangiinerillu immikkut akuliuffiunerusut pisut qanoq ittuussusiat apequtaatillugu allakkatigut nalunaarutigineqartariaqartut, taamatuttaarlu naatsorsuutigineqarluni allakkatigut qinnuteqaatit allakkatigut akineqartariaqartut.

Niels Fengerip atuakkiaani "Forvaltningsret"-imi 2018-imeersumi quppernerit 627 tulluilu aamma Karsten Revsbechip allallu atuakkiaanni "Forvaltningsret, Sagsbehandling"-imi arfinilissaannik naqitertinneqartumi quppernerit 335 tulluilu innersuussutigaakka.

Folketingip Ombudsmandiata oqaaseqaatai 2015-19, 2016-41 aamma 2018-33 Folketingip Ombudsmandiata nittartagaani (www.ombudsmanden.dk-mi) atuarneqarsinnaasut aamma innersuussutigaakka.

Kalaallit Nunaanni Namminersornerullutik Oqartussani Inatsisileriffiup suliassat suliarineqartarnerat pillugu inatsit pillugu ilitsersuusianaani 1994-imi saqqummersinneqartumi immikkoortoq 208 tamakkua saniatigut innersuussutigaara, tassanilu isiginiagassat aalajangiinerup allakkatigut nalunaarutigineqarnissaanut ikorfartuutaasinnaasut sukumiinerusumik allaaserineqarput.

3.4.2. Ilaatigut suliani aalajangiiffigineqartuni/aalajangiiffigineqartussani pingaaruteqartumik iliuuserineqartut tamarmik allattorneqartarnissaannik inatsiseqartitsinikkut tunngavik inatsisikkut aalajangersagaanngitsoq aammattaaq atuuppoq. Tamatuma manna nassatarigaa nalinginnaasumik ilimagineqarpoq, tassalu aalajangiinerit oqaasiinnartigut nalunaarutigineqartut pillugit allakkiortoqartassasoq.

Inatsiseqartitsinikkut tunngavik taanna sulianik Folketingip Ombudsmandianeersunik arlalinnik aallaaveqarpoq, taakkunanngalu erserpoq aalajangiineq oqaasiinnartigut nalunaarutigineqartoq suliame allanneqassasoq ingerlatsinermi ileqqorissaarnerup nassatarigaa. Aalajangiineq allanneqanngippat aalajangiinerup sumik imaqarnerata, aalajangiinermut suup tunngaviunerata aalajangiinerullu suliame illua'tungiusumut qanga nalunaarutigineqarsimanagerata kingusinnerusukkut naammattumik qularnaassuseqartumik eqqaamajuminaassinnaanerat Folketingip Ombudsmandiata ilaatigut innersuussutigisimavaa.

Suliassat suliarineqartarnerat pillugu inatsimmi § 23-kkut aalajangersarneqarpoq aalajangiinermik oqaasiinnartigut nalunaarfigineqartup aalajangiinermik allakkatigut tunngavilersuisoqarnissaa pisuni aalajangersimasuni pi-umasaqaatigisinnaagaa. Suliap naammattumik uppersaartissartalersorneqarnera aalajangersagaq taanna tunngavigalugu allakkatigut tunngavilersuutip kingusinnerusukkut suliarineqarsinnaaneranut tunngaviugajuttartussaavoq.

Suliaq 2014-imi ukiumoortumik nalunaarutinni imm. 5.3-mi ilanngunneqartoq, pingaartumillu oqaaseqaammi imm. 5.2.B, ilaatigut innersuussutigaa.

Suliat Folketingip Ombudsmandiata 1993-imi ukiumoortumik nalunaarutaani quppernerit 287 tullu, pingaartumillu qupperneq 292 aamma Folketingip Ombudsmandiata 2004-imi ukiumoortumik nalunaarutaani quppernerit 452 tullu, pingaartumillu qupperneq 457, kiisalu suliaq 2015-19 Folketingip Ombudsmandip nittartagaani (www.ombudsmand.gl-imi) atuarneqarsinnaasoq aamma innersuussutigaa.

Eqqortussaanguniarlugu oqaatigaara inatsiseqartitsinikkut tunngaviup qu-laani taaneqartup ilai Danmarkimi inatsiseqartitsinermi inatsisikkut massak-kut aalajangersarneqarsimammata. Tamatumunnga atatillugu Niels Fengerip atuakkiaani "Forvaltningsret"-imi (2018-imeersumi) qupperneq 629 aamma Mohammad Ahsanip atuakkiaanni "Offentlighedsloven med kom-

mentarer"-mi (2014-imeersumi) quppernerit 259 tulliiilu ilaatigut innersuus-sutigaakka.

4. Kina aalajangiisussaasimava?

4.1. Qulaani oqaatigineqartutut meeqqat pillugit peqqussummi §§-tigut 9-kkut, 10-kkut 29-kkullu aalajangersarneqarpoq angerlarsimaffiup avataanut akuersisitsilluni inssiinerit, angerlarsimaffiup avataanut akuersisitsinani inssiinerit aamma angerlartitsinissamik itigartitsinerit kommunalbestyrelsi-mit aalajangerneqartassasut. Kisianni angajoqqaatut oqartussaassusermik tigummiqartoq meeqqap angerlarsimaffiup avataanut inissinneqarnerata kingornatigut kommunimut allamut nuuppat kommunalbestyrelsi sorleq aalajangiissanersooq aalajangersakkani taakkunani takuneqarsinnaangilaq.

Tamanna innuttaasut pisinnaatitaaffiunut toqqaannartumik sunniuteqanngilaq, apeqqulli suliami matumani kommunip sorliup aalajangiisussaananeramik naliliiniarnermi – taamaattumillu kommunit suliaq naammaginartumik suliarisimaneraat uanga isummerniarninnut – aalajangiisuusumik aamma sunniuteqarpoq.

Apeqqut taanna kommunit akunnerminni akiliiffigeqatigiittarnissamut pissaaffii pillugit Inatsisartut peqqussutaatigut nr. 2-kkut, 12. juni 1995-imeersukkut ilaatigut aalajangersaavigineqarpoq. Peqqussummi tassani taaguutit kommuni najugarivitaq, kommuni iliuseqartussaq aamma kommuni aki-liisussaq ilaatigut atorineqarput. Taaguutit taakku §§-ni 3-mit 5-imut nasuiarneqarput, taakkulu imaattunik oqaasertaqarput:

§ 3. Kommuni najugarivitaq tassaavoq pineqartup aalajangersimasumik ineqarfigalugu najugaqarfia, taamaattorli tak. §§ 6-imi, 7-imi aamma 11-13-imi pineqartut ilaatinneqartut taaneqartut.

Imm. 2. [...].

§ 4. Kommuni iliuseqartussaq tassaavoq kommuni malittarisassatigut isumaginninnermut tunngasunut aalajangersarneqarsimasut tunngavigalugit iliuseqartussatut pissaaffilerneqarsimasooq.

§ 5. Kommuni akiliisusaaq tassaavoq kommuni isumaginninnermi malittarisassat tunngavigalugit ikiorsiissutaasimasunik inaarutaasumik aningaasartuuteqarnissaminut pisussaafilerneqarsimasooq.”

Peqqussut taanna meeqqanut inuusuttunullu ikiorsiissutit pillugit aalajangersakkanik arlalinnik aammattaaq imaqarpoq. Taakkunannga ilaatigut makku erserput:

“Kapitali 5.

Meeqqanut inuusuttunullu ikiorsiissutit

Ataatsimoortumik aalajangersakkat

§ 10. Meeqqanik inuusuttunillu ikiorsiisarneq pillugu Inatsisartut peqqussutaat tunngavigalugu ikiorsiissutigineqartut meeqqap inuusuttulluunniit kommunitut najugarivitaanit akiliisussaviuutigisumit tunniunneqartassapput.

Imm. 2. Meeraq inuusuttorluunniit kommunitut najugarivitami avataani najugaqarpat kommuni najugarivitaq sinnerlugu kommunimi uninngavigisami ikiorsiissutit tunniunneqannginnerini ikiorneqarnissamik qinnuteqaat kommunimit uninngavigisamit kommunimut najugarivitaq akuerisassanngorlugu saqqummiunneqassaaq, taamaattorli tak. imm. 3.

Imm. 3. Meeqqanik inuusuttunillu ikiorsiissutit pillugit Inatsisartut peqqussutaat tunngavigalugu kommuni uninngavigisaaq iliuuseqartussaataani tunngavigalugu ikiorsiinissamat pisussaaffeqalissappat kommuni najugarivitaq akuersiseqqaanngikkaluarlugu kommuni uninngavigisaaq ikiorsiisinnaassaaq, suliasap kommunimut najugarivitaq saqqummiunneqarneratigut aalajangiinissaaq kinguartinneqarsinnaanngippat. Kommuni najugarivitaq kommunitut akiliisussavittut isigineqassaaq.

Meeraq inuusuttorluunniit pisortat avaqqullugit angerlarsimaffiup avataanut inissinneqarsimappat.

§ 11. Meeqqat inuusuttullu 18-it inorlugit ukiullit katissimangitsut angajoqqaatut oqartussaassuseqartoq/-tut arlaat Kalaallit Nunaanni najugaqavissuuppat taanna kommunitut najugarivitaqatigissavaat. Angajoqqaatut oqartussaassuseqartut arlaannaalluunniit Kalaallit Nunaanni najugaqavissuunngippat meeqqap inuusuttulluunniit katissimasup kommuni uninngavigisaa kommunitut najugarivitaqat isigineqassaaq, taamaattorli tak. § 13, imm. 3 aamma 4.

[...]

Meeraq inuusuttorluunniit pisortat suliniuteqarnerisigut angerlarsimaffiup avataanut inissinneqarsimappat.

§ 13. Meeraq inuusuttorluunniit pisortat suliniuteqarnerisigut angerlarsimaffiup avataanut inissinneqarsimappat meeqqap inuusuttulluunniit inissinneqarnerata nalaani kommunitut najugarivitaata inissiinerup ingerlanerata nalaani meeqqanut inuusuttunullu ikiorsiissutit pillugit Inatsisartut peqqussutaat tunngavigalugu aningaasartuutitut akiliisussavittut isigineqassaaq.

Imm. 2. Angajoqqaatut oqartussaassuseqartup aappaa meeqqap inuusuttulluunniit kommunitut najugarivitaqatigisaa inissiisimanerup nalaani allamut nuuppat angajoqqaatut oqartussaassuseqartup kommunitut najugarivitariligaa meeraq inuusuttorluunniit pillugu paasisutissat allattukkat (journalit) kommunimi nuuffigisami tiguneqarneranniit kommunitut akiliisussavittut isigineqalissaaq.

Imm. 3. [...]"

4.2. Kommunit akunnerminni akiliiffigeqatigiittarnissamut pisussaaffii pillugit Inatsisartut peqqussutaanni § 10, imm. 1-imi "meeqqanik inuusuttunik ikiorsiisarneq pillugu Inatsisartut peqqussutaat" innersuussutigineqarpoq. Kommunit akunnerminni akiliiffigeqatigiittarnissamut pisussaaffii pillugit Inatsisartut peqqussutaat akuerineqarmat "meeqqanik inuusuttunillu ikiorsiisarneq pillugu Inatsisartut peqqussutaat" atuuttoq tassaavoq Inatsisartut peqqussutaat nr. 9, 30. oktober 1992-imeersoq. Peqqussut 1992-imeersoq 1. juli 2003-mi atorunnaarsinneqarpoq, meeqqat pillugit peqqussut atortuulermat. Tamanna meeqqat pillugit peqqussummi § 41, imm. 2-kkut aalajangersarneqarpoq.

Paasivarali kommunit akunnerminni akiliiffigeqatigiittarnissamut pisussaaffii pillugit Inatsisartut peqqussutaanni "meeqqanik inuusuttunillu ikiorsiisarneq pillugu Inatsisartut peqqussutaanni" § 10, imm. 1-imut innersuussinermi meeqqat pillugit peqqussut 2003-meersoq tunngavigalugu ikiorsiineq aamma pineqartunut ilaatinneqartoq.

Paasinnineq taanna – uanga paasisattut – Kommuni X-ip suliamik suliarininnerani aamma tunngaviutinneqarsimavoq. Kommuni X-ip Kommuni Y-mut allagai 8. april 2013-imeersut innersuussutigaaq.

Tamatuma saniatigut taamani Ilaqutariinnermut, Naligiissitaanermut Isumaginninnermullu Naalackersuisoqarfiusup "Kalaallit Nunaanni eqqartuussisarnermik inatsimmi § 361 malillugu ukiukitsunik tigummigallagaanissamut taarsiullugu allamut inissiinermi kommunit pisussaaffii" pillugit ilitsersuusaa 2015-imi ukiumoortumik nalunaarutinni immikkoortumi 5.4-mi tamakkerluni issuarneqartoq Naalackersuisoqarfimmit 28. december 2015-imi tigusara tamatumunnga atatillugu innersuussutigaara. Ilitsersuummi immikkoortumit 7-imit ilaatigut makku erserput:

"Meeqqanik inuusuttunillu ikiorsiisaarneq pillugu Inatsisartut peqqussutaat nr. 1, 15. april 2003-meersoq kingusinnerusukkut allannguutilik naapertorlugu ikiorsiissutit, ukiukitsup tigummineqartup kommunitut najugarivitaanit akiliisussaviutigisumit tunniunneqartasapput, kommunit akunnerminni akiliiffigeqatigiittarnissamut pisussaaffii pillugit Inatsisartut peqqussutaanni nr. 2-mi, 12. juni 1995-imeersumi § 10, imm. 1 naapertorlugu."

4.3. Tamatuma kingornatigut oqaatigaara kommunit akunnerminni akiliiffigeqatigiittarnissamut pisussaaffii pillugit Inatsisartut peqqussutaanni § 13, imm. 2-p – pisunut meeqqamut inissinneqarsimasumut angajoqqaatut oqartussaassutisimik tigummiaqartup kommunimut allamut nuunneranut tunngasup – oqaasertalersorneqarnini tunngavigalugu kommuni akiliisussaq pillugu apeqqut aalajangersaavigigaa.

§ 13, imm. 2-li pillugu oqaaseqaatinit ilaatigut makku erserput:

"§ 13)-imut

[...]

Imm. 2-mi angajoqqaatut oqartussaassusermik tigummiaqartup meeqqamit inuusuttumilluunniit kommunitut najugarivitaqatigineqartup inissiinerup nalaani Kalaallit Nunaata iluani kommunimut allamut nuunna pineqarpoq. Tassani aalajangersarneqarpoq kommuni nuuffigineqartoq meeraq inuusuttorluunniit pillugu paasissutissat allattukkat (journal) tassani tiguneqarniariarpata kommunitut akiliisussavinngussasoq. Peqqussummi atuuttumi malittarisassaq taanna erseqqissumik allassimanngilaq, § 6, imm. 1-illi nassuiarneqarni tapersersorneqarluni. Tassani tunngavigineqarpoq § 11-mi oqaaseqatigiinni siullerni pingaarnertut malittarisassaq tunngavigalugu meeraq inuusuttorluunniit angajoqqaatut oqartussaassusermik tigummiaqartup nuunneratigut nutaamik kommunitut najugarivartaarnera. Taamaalliluni piffissaq nuuffigineqartoq aallarnerfigalugu meeqqanik inuusuttunilluunniit ikiorsiisaarneq pillugu Inatsisartut peqqussutaat tunngavigalugu meeqqap inuu-

suttulluunniit ikiorserneqarnissaanut oqartussaassuseqalersarpoq. Tassa meeraq inuusuttorluunniit pillugu paasissutissat allattorsimaffiata (journalip) kommunimi nuuffigineqartumi tiguneqarnerat aallarnerfigalugu kommunip taassuma (nuuffigineqartup) inissiisimaneq ingerlaannassanersoq, allannngortinneqassanersoq unitsinneqassanersorluunniit aatsaat naliliiffigisinnaanngortussaammagu.”

Taamani Isumaginninnermut Suliffeqarnermullu Pisortaqarfiusup kommunit akunnerminni akiliiffigeqatigiittarnissamut pisussaaffii pillugit Inatsisartut peqqussutaat pillugu ilitersuusuaani 1995-imi saqqummersinneqartumi quppernermit 22-mit ilaatigut makku erserput:

“[§ 13,] imm. 2-mi malittarisassamut tunngaviuvoq meeqqap inuusuttulluunniit angajoqqaatut oqartussaassuseqartup nuunnerani nutaamik kommunitut najugarivitalertussaanera § 11-mi oqaaseqatigiinni siullerni pingaarnertut malittarisassaq malillugu. Taamaalilluni kommuni nuuffigineqartoq nuunnerup nalaaniit meeqqamut inuusuttumulluunniit ikiorsiisutit pillugit aalajangiisussanngortarpoq. [...] Kommunip nuuffigineqartup paasiguniuk nuuttup meeqqanut pisortat suliniuteqarnerisigut inissinneqartunut angajoqqaatut oqartussaassuseqarnera, kommuni taanna pisussaavoq kommuni qimataq attaveqarfigissallugu meeraq inuusuttorluunniit pillugu paasissutissat allattukkat nuutsinneqarnerisa nasinneqarnissaat pillugu. [...]”

Aamma paasivara paasinnineq taanna taamani Ilaqutariinnermut Pisortaqarfiup meeqqat inuusuttullu pillugit ilitersuusuaani 2003-mi saqqummersinneqartumi imm. 3.2-mi tunngaviutinneqarsimasoq.

4.4. Eqqortusaaq anguniarlugu oqaatigaara suliami allagaatit tamarmiusut aallaavigalugit uanga paasinninnera unaasoq peqqussummi § 13, imm. 2-p qanoq paasineqarnissaanik nassuiaat aalajangersagaq pillugu oqaaseqaatinit aamma kommunit akunnerminni akiliiffigeqatigiittarnissamut pisussaaffii pillugit ilitersuummit ersertoq kommunit pingasut tamarmik suliamik matuminnga suliarinninneranni tunngaviutinneqarsimasoq.

Kommuni X-imi sulisup sulisuma ilaannut 23. marts 2015-imi paasissutissiissutigisaa ilaatigut innersuussutigaa, tassalu Kommuni Z B-p inissinneqarnissaa pillugu aalajangiisussaasoq, tassami A illoqarfimmut ZZ-imut nuussimammat. Kommuni Y-p uannut oqaaseqaataanit 16. december 2015-

imeersumit aammattaaq erserpoq kommuni "meeraq sinnerlugu aalajangiisariaqartarsimasoq". Kiisalu Kommuni Z 2015-imi oktoberimi B eqqarsaatigalugu meeqqat pillugit peqqussummi § 9, imm. 3 tunngavigalugu aalajangiisimavoq, taamatutaaq Kommuni Z aallaqqaasiinermi oqaatigineqartut B angerlarsimaffiup avataanut angajoqqaatut oqartussaassusermik tigummiaqartoq akuersitinnagu inissinneqassasoq 13. juli 2016-imi aalajangiisimalluni.

Uanga ataatsimut isiginnillunga tamanna tunngavigalugu paasinninnera unaavoq suliami matumani B-p inissinneqarnera pillugu meeqqat pillugit peqqussummi § 9, 10 aamma 29 tunngavigalugit aalajangiinerit A-p kommunitut najugarivitaani pissasut – piffissami 2011-mi novemberimi inisseeqqaarnermit 2013-imi martsip tungaanut ingerlasumi Kommuni X-imi, piffissami 2013-imi martsimit 2014-ip tungaanut ingerlasumi Kommuni Y-mi kiisalu piffissami 2014-ip kingornatigut ingerlasumi Kommuni Z-imi.

5. Kommuni X-ip suliamik suliarinninnera

5.1. Kommuni X-ip oqaaseqaatai

Kommunip suliamik suliarinninnera Kommuni X-ip sulisuma ilaannik oqarasuaatikkut oqaloqateqarnermigut aamma oqaaseqaatitigut marlutsigut nasuiarpaa.

Kommuni X-imi suliamik suliarinnittup aamma sulisuma ilaata oqarasuaatikkut 23. marts 2015-imi oqaloqatigiinneranni kommunip oqaatigaa kommuni pinngitsaaliilluni peersitsisoqarnissaanik aalajangiisimanngitsoq.

Kommuni X tamatuma kingornatigut oqaaseqaammi 4. marts 2016-imeersumi ilaatigut imatut allappoq:

"A-p meeqqami B-p ulloq unnuarlu paaqqinniffimmi ÆE-mi illoqarfimmi XX-imi inissinneqarsimanera akueriunnaaraa eqqartuussissuserisup allagai 14. juni 2012-imi ullulerneqarsimasut Kommuni X-ip tiguai.

Taamaalilluni B-p imminnut angerlartinneqarnissaa A- kissaatigaa.

Ilaqutariinnut meeqqamullu iliuusissanut pilersaarussiaq angerlartitsinermut uiggiullugu suliarineqassasoq tassanilu akuersissuteqartoqarneratigut inissiinermut taarsiullugu allatigut ikiorsiiniutit qulaajarneqarnissaat A-p aamma kissaatigaa.

Paaqqinniffiup Æ-p nalunaarussiaani 9. august 2013-imeersumi oqaatigineqarpoq B anaa-naminut A-mut 2012-imi junimi angerlartinneqarsimasoq. B-p [...] taamaattumillu paaqqinniffimmut Æ-mut inisseqqinneqarsimaneranik isumaginninnermi pigaartuusup nalunaarussiaa Kommuni X-ip 23. juni 2012-imi tiguua.

Meeqqanik Ilaqutariinnillu Sullissiviup inaarutaasumik nalunaarussiaa Kommuni X-ip 12. november 2012-imi tiguua. Meeqqanik Ilaqutariinnillu Sullissivimmi katsorsaanerup ingerlanera unitsinneqarpoq, naliliisoqarmammi oqaloqatiginneqqinnissamut tunngavissaarutoq, tassami A-p taassumalu inooqataata B-mut attaveqarnissartik kissaatiginngimmassuk.

B-p paaqqinniffimmut Æ-mut inissinneqarnera paaqqinniffiup Æ-p qaammatini qulini qulaajaareerneratigut paaqqinniffimmi Ø-mi inissiininngortillugu 30. august 2012-imi allanngortinneqarpoq.

[...]

Suliami allagaatini takuneqarsinnaangilaq B-p 2012-imi junimi angerlartinneqarnera assigiinngitsunik suliallit suleqatigiiffiattut ataatsimiititaliamit inassuteqaatigineqarsimanersoq suliaasaqarfimmilu tassani pisortamit akuerineqarsimanersoq, taamatuttaarlu paaqqinniffimmut Æ-mut aamma paaqqinniffimmut Ø-mut inisseqqinneq assigiinngitsunik suliallit suleqatigiiffiattut ataatsimiititaliamit inassuteqaatigineqarsimanersoq Isumaginninnermullu Ataatsimiititaliamit akuersissutitaqanngitsumik inissiinertut akuerineqarsimanersoq takuneqarsinnaanani." (Ombudsmandeqarfimmi nutsigaavoq)

Kommunip ilassutitut oqaaseqaammuni 20. september 2016-imeersumi ilaatigut makku aammattaq oqaatigai:

"1. Eqqartuussissuserisup D-p allagaasa 14. juni 2012-imeersut A-p inissinneqarneranut akuersinermik A sinnerlugu tunuartitsissutaasut tiguineqarnerisa kingornatigut Kommuni X-imi taamani immikkoortortaqarfimmi pisortaasoq suliamillu suliarinnittoq aalajangerput misissuisoqassasoq, suliap B-mut tunngasup ingerlaqqinnissaanik aalajangiisoqarsinnaaqqullugu. Aalajangiinermilli ingerlatseriaatsitsinni nalunaarsuisoqarsimanngilaq.

2. B-p paaqqinniffimmut Æ-mut 29. november 2011-mi atuutilersumik killiligaanngikkalartumillu inissinneqarnissaanik qinnuteqaat Isumaginninnermik Ingerlatsiviup 1. december 2011-mi akueraa. Inissiineq angajoqqaatut oqartussaassusermik tigummiartoq akuersitillugu pivoq. Inissiinermut tunngavilersuutigineqarpoq piffissami pineqartumi ilaqtariit iluamik ingerlasinnaasimanginnerat, tamannalu pissutigalugu angerlarsimaffiup avataanut inissiinerup B-mut pitsaanerpaassusaanera. A-p inooqataa B angerlarsimaffiup avataanut inissinneqanngippat A, tassalu anaanaa, meeqqatillu angerlarsimaffimmit anisinniarlugit ilaatigut siorasaarisimavoq. Ilaqtariit naliliipput B inissinneqarpat tamanna illua'tungeriinnut tamanut pitsaanerpaassasoq, taamaalillutik tamarmik imminnut suliarinissaminnut periarfissaqarsinnaaqqullugit.

B paaqqinniffimmut Ø-mut 30. august 2012-mi inissinneqarpoq, qaammatini qulini paaqqinniffimmi Æ-meereerluni. Paaqqinniffik Ø paaqqinniffiup Æ-p ataani najugaqarfiuvoq.

[...]

Kommuni X-ip suliami paasissutissanik amerlanerusunik peqannginnera ajuusaarnartorujussuuvoq. Suliamik suliarinnittut immikkoortortaqaarfimmilu pisortat suliamut attuumasuteqarsimasut ingerlatsivimmi atorfeqartitaajunnaarsimapput, taamaattumillu suliap ingerlasimanerata oqaluttuassartaata pissarsiariniarnera assut ajornakusoortipparput, tassami oqaatigineqartutut ingerlatseriaatsitsinni pissusissamisoortumik nalunaarsuisoqartarsimangimmat.

Sulianik ingerlatseriaatsivut pitsanngorsarlugit aallartippugut, siunissaq ungasinnerusoq eqqarsaatigalugu sulianik suliarinninnermi amigaatit taamaattut pinaveersaartinniarlugit. Sulisut tamarmik ingerlatsinermik inatsiseqartitsineq pillugu pikkorissartinneqassapput, taamatuttaarlu sulianik suliarinnittarnerput pillugu tunaartarisassat periaatsillu suliarineqarnerat aallartissimallugu.

Suliap pitsaanerpaanngitsumik ingerlasimanagera taamatuttaarlu pisariaqarneratut nalunaarsuisoqartarsimanginnera assut ajuusaarutigaarput. Kiisalu akissutip matuma sivitsuloorunneqarsimanagera ajuusaarutigissavara. Allaffeqarfiup iluani periaatsip nutaap taamaattut pisoqaqqinnissaa pinaveersaartissavaa." (Ombudsmandeqarfirmi nutsigaa-voq)

5.2. Kommuni X-ip suliamik uppersaasersuina

5.2.1. Qulaani oqaatigineqartunit ersertutut suliaq pillugu paasissutissat aalajangersimasut kommunip piginngimmagit Kommuni X-ip uannut ajuusaarutigaa.

Pisortani oqartussaasut – immikkoortumi 3.4-mi oqaatigineqartutut – suliat naammattumik uppersaasersoqarnissaasa qulakkeerneqarnissaat eqqarsaatigalugu aalajangersimasunik pisussaaffeqarput.

Taamaappoq innuttaasut ingerlatsivimmik tatiginninnerat eqqarsaatigalugu, tassa oqartussaasut suliami susoqarnerata nalornissutigineqalinnginnissaa isumagissavaat.

Hans Gammeltoft-Hansenip allallu atuakkiaanni "Forvaltningsret"-imi 2002-mi aappasaanik naqitertinneqartumi qupperneq 642 Folketingillu Ombudsmandiata oqaaseqaatai tassani eqqaaneqartut ilaatigut innersuussutigaa ka.

Suliami matumani susoqarsimanera tassarpiaavoq isumaqatigiinngissutigineqartoq.

Taamaalilluni Kommuni X oqaaseqaammi 4. marts 2016-imeersumi allappoq B 2012-imi junimi angerlartinneqarsimasoq, paaqqinniffimmullu Æ-mut inisseqinneqarsimasoq, A-lu 23. juni 2012-imi kamaannermik kingornatigut.

A-p uannut oqaatigaa 2012-imi aasaanerani pisut ingerlasimanerannik Kommuni X-ip paasinninnera isumaqatiginngikkini. Taamaalilluni Kommuni X-ip oqaaseqaatai pillugit uannut oqaaseqaammimi 7. oktober 2017-imeersumi ilaatigut makku oqaatigai:

"B [2012-imi junimi, uanga ilanngussara] angerlartinneqanngilaq. B inissisimaannassasoq illoqarfimmi XX-imi ilaqutariinnik sullissivimmi netværksmødeqarnermi aalajangerneqarpoq, ilaqutariit kissaatigisaata paarlattuanik. Tamatuma kingornatigut paasitinneqarpugut B angerlarsimaffitsinni feriarnissaminut akuerineqartoq. Tamatuma kingornatigut paaqqinniffimmullu Æ-mut/Ø-mut uteqqissaaq. (Ombudsmandeqarfimmi nutsigaavoq)

A imatut paasivara taassuma paasinninnera unaasoq B aasaanerani feriarnerinnarmi angerlarsimasimasoq, tamatumalu kingornatigut paaqqinniffimmut Æ-mut uteqqittussaasoq, Kommuni X-immi angerlartikkumannngimmaqu, naak tamanna A-p kissaatigigaluaraa.

5.2.2. Oqartussaasup suliamik uppernarsaatitalersuina oqartussaasup iliuserisimasaanik kingusinnerusukkut misissuisoqarsinnaaneranut aamma sunniuteqarpoq. Suliami matumani Kommuni X-ip suliamik uppernarsaaser-suinerata amigaateqarnerata manna ilaatigut nassatarisimavaa, tassalu uanga misissuininni 2012-imi aasaanerani pisimasunik taamaallaat pingaarnerusutiguinnaq takussutissaqarnera. Kommuni piffissami tassani aalajangiisimansoq imm. 5.3.1-imi sukumiinerusumik isummerfigaara.

Taamaattumik Kommuni X isumaqatigaara oqarmat kommunip suliamik anertunerusutigut paasissutissartalersueqataasinnaasimannginnera, matumani suliap ingerlasimanera pillugu sukumiinerusumik nassuiaasinnaasimannginnera ilanngullugu eqqarsaatigalugu, naammaginangitsuusoq.

Taamaalillunga Kommuni X-ip suliap ingerlasimanera pillugu allakkatigut uppernarsaatini sukumiisunik peqannginnera isorisariaqartutut isigaara.

Naliliivunga suliap amigartumik uppernarsaatissartalersorneqarsimanerata manna ilaatigut nassatarigaa, tassalu Kommuni Y-p aamma Kommuni Z-ip suliap ingerlasimaneranik paasisaqarnissaannut – taamalu piffissamut kommunit taakku suliamik suliarinninnerminnut atugaannut - aamma sunniuteqarsimassasoq naatsorsuutigisariaqartoq.

Taamaattumik ingerlatsivik sulianik suliarinninnermi amigaatit taamaattut siunissami pinaveersimatinniarlugit suleriaatsinik sulianik suliarinninnermi tunaartarisassanik periaatsinillu suliarinninnikkut pitsanngorsarniarneqarnerat aallartinneqarsimasoq Kommuni X-ip paasissutissiissutaa pitsaasutut isigaara.

5.3. Piffissaq Kommuni X-ip suliamik suliarinninnermut atugaa

5.3.1. Piffissaq Kommuni X-ip suliamik sularinninnermut atugaa tamarmiu-soq eqqarsaatigalugu kommuni suliami aalajangiisimaguni - qangalu – aalajangiisimanersaq ilaatigut apeqqutaavoq. Tamanna tulluuttuni sukumiineru-sumik misissorpara.

A-p uannut naammagittaalliummini 14. marts 2015-imeersumi nassuiaatit oqaatigaa nammineq akuersitinnani B ilumut inissineqarsimasq, inissiinerlu 2012-imi akuersinernik tunuartitsinerniilli inatsimmik unioqqutitsisuusimasq, tassami taamanili akuersisitsinani inissiisoqarnissaanik aalajangiisoqarsimanngimmat.

A paaqqinniffiup Æ-p nalunaarussiaani 9. august 2013-imeersumi oqaatigineqartut 2012-imi juni angerlartinneqarsimasq Kommuni X-ip oqaaseqaammi 4. marts 2016-imeersumi innersuussutigaa. Eqqortussaq anguniarlugu oqaatigaara paaqqinniffiup imminut pigisup Æ-p suliami allagaatai kommunip aalajangiineranut taarsiunneqarsinnaanngitsut.

Kommuni X-ip oqaaseqaammi 20. september 2016-imeersumi aammattaaq oqaatigaa "suliami aalajangiineq [kommunimi] ingerlatseriaatsimi nalunaarsorneqarsimanngitsoq". Kommunip oqaaseqaataa 4. marts 2016-imeersaq aammattaaq imatut paasivara B-mik 2012-imi junimi angerlartitsisimane-raaneq assigiinngitsunik suliallit suleqatigiiffiattut ataatsimiititaliap inassuteqaataa tulleriinneri malillugit suliassaqarfimmi pisortamit aamma Isumaginninnermut Ataatsimiititaliamit akuerineqartoq tunngavigalugu pisimanersaq suliami allagaatini takuneqarsinnaanngitsoq. Tamanna aamma imatut paasivara kommunip nalinginnaasumik periaasiata malinneqarsimanersaq taamaalilluni uppersaatissaqanngitsoq.

Suliami allagaatit tamaasa misissuininni atugassatut kommuninit pissarsiarniarpakka.

B-p 2012-imi junimi angerlartinneqarsimanerarneqarnera tamatumalu kingornatigut paaqqinniffimmut Æ-mut/Ø-mut inissineqarsimanera pillugu

allakkatigut aalajangiinermik imaluunniit oqaasiinnartigut aalajangiineq pillugu allakkiamik suliami allagaatini peqanngilaq. B-p angerlarsimaffiup avataanut inissinneqarnera unissanngitsoq meeqqat pillugit peqqussummi § 29 tunngavigalugu aalajangiisoqarsimanersoq aammattaaq takuneqarsinnaanngilaq.

Imm. 3.4-mi aamma 5.2-mi oqaatigineqartutut oqartussaasoq suliami aalajangiippat pisortani oqartussaasup sulianik uppernarsaasersuisarnera pillugu piumasaqaatit arlallit atuupput.

Tamanna aallaavigalugu ataatsimut isiginnillunga manna tunngaviutittariaqarpara, tassalu Kommuni X 2012-imi aasap ingerlanerani B-p inissinneqarneranut akuersinerminik A-p tunuartitsisimaneranik isummerfiginnilluni aalajangiisimanngitsoq.

5.3.2. Kommuni X-ip uannut oqaaseqaammi 4. marts 2016-imeersumi manna oqaatigigaa eqqumaffigaara, tassalu kommunip inaarutaasumik nalunaarussiaq Meeqqanik Ilaqutariinnillu Sullissivimmit 2012-imi novemberimi tigusimagaa, tassanngalu ilaatigut ersertoq A-p taassumalu inooqataata B-mut attaveqarnissartik kissaatiginngikkaat.

B-p angerlarsimaffiup avataanut inissinneqarnera A-p taamaalilluni akuereqqikkaa Kommuni X-ip tamanna aallaavigalugu tunngaviutissimaneraa uannut erseqqarluppoq.

Suliamili allagaatit Kommuni X-imit tigusakka B-p inissinneqarneranut A-p akuersinermut nutaamik uppernarsaataanik imaluunniit A-p akuersisimanagera pillugu allakkiamik peqanngilaq.

Taamaattumik manna tunngaviutittariaqarpara, tassalu A B-p angerlarsimaffiup avataanut inissinneqarneranut akuerseqqaarnerminik 2012-imi majimi tunuartitsigamili nutaamik akuerseqqissimanngitsoq.

5.3.3. Ataatsimut isiginnillunga paasinninnera unaavoq A-p akuersinerminik tunuartitsinera pillugu suliaq Kommuni X-ip qaammatit arfineq pingasut sin-nerlugit suliarisimagaa – taamaalillunilu Kommuni X A-p illoqarfimmut YY-mut 2013-imi martsimi nuunnerata kingornatigut suliami allagaatinik Kom-muni Y-mut ingerlatitseqqilluni nassiussinissaata tungaanut aalajangiisima-nani.

6. Kommuni Y-p suliamik suliarinninnera

6.1. Kommuni Y-p oqaaseqaatai

Suliami allagaatit kommunip Kommuni X-imit tigummagit kommunip qanoq iliuuseqarsimanera Kommuni Y-p oqaaseqaatini marlunni nassuiarpaa.

Kommuni Y-p allakkatigut 16. december 2016-imeersutigut ilaatigut oqaati-gaa kommunip A-mik suleqatiginninneq pilersinniarsarisimagaa, taamatut-taarlu A kommunip B pillugu ataatsimeeqatiginiarlugu iluatsitsiviunngitsu-mik aggeqqusarsimagaluaraa. Kommunilli A 3. januar 2014-imi aamma 3. juli 2014-imi ataatsimeeqatigisarsimavaa.

Kommuni Y allakkatigut 6. april 2016-imeersutigut ilaatigut qinnuigaara kommuni suliami allagaatit Kommuni X-imit tigugamigit qanoq iliuuseqarsi-manersoq nassuiaqqullugu, matumani B-p inissinneqarneranut akuersinini tunuartillugu A-p Kommuni X-imut nalunaarsimanera kommunip qanoq i-summerfigineraa ilanngullugu eqqarsaatigalugu.

Kommuni Y-p e-mailikkut 23. maj 2016-imeersukkut akivaanga kommuni tamanna pillugu oqaaseqaatissaqanngitsoq.

Suliami allagaatinut Kommuni Y-mit tigusannut ilaavoq e-maili 4. januar 2014-imeersoq, A-p kommunimut nassiussimasaa. A-p kommuni e-mailimi tassani ilaatigut qinnuigaa B-p inissinneqarneranut tunngaviusoq misissoq-qullugu. Kommuni Y-mut allakkanni 6. april 2016-imeersuni kommuni aam-

ma qinnuigaara qinnutigisaq taanna kommunip malitseqartitsivigisimaneraa paasissutissiissutigeqqullugu.

Kommunip oqaaseqaammi 23. maj 2016-imeersumi ilaatigut akivaanga "sullissisoq suliap ingerlaqqinnissaanut qullersaminut ingerlatitsisimasoq er-sippoq, kisianni qullersaniit qanoq iliuuseqartoqarsimaneranik takussutissa-qarani."

6.2. Piffissaq Kommuni Y-p suliamik suliarinninnermut atugaa

6.2.1. Kommuni Y-p suliami allagaatit Kommuni X-imit 9. april 2013-imi tiguai. Kommuni X-ip suliamik suliarinninneranik qulaani allaaserisara tamatumunnga atatillugu innersuussutigaa.

Tamatuma saniatigut erserpoq A-p suliap ingerlasimanera pillugu isummani 5. juni 2013-imi aamma 12. januar 2014-imi e-mailikkut nassiukkai. E-maili 5. juni 2013-imeersoq paaqqinniffiup Æ-p pisortaanut ingerlatitaavoq, uagali paasinninnera unaavoq taanna Kommuni Y-mi suliamik suliarinnittumut tamatumunnga peqatigitillugu aamma nassiunneqarsimasoq.

Immikkoortumi 6.1-imi oqaatigineqartutut A-p e-mailia Kommuni Y-p 4. januar 2014-imi aammattaaq tiguua, tassanilu B-p inissinneqarneranut tunngavisoq misissoqqullugu A-p kommunip qinnuigaa.

A-p e-mailii 5. juni 2013-imeersoq, 4. januar 2014-imeersoq aamma 12. januar 2014-imeersoq imatut paasivakka B-p inissinneqarnera akuerinngikkini inatsimmillu unioqqutitsilluni inissiinerup pineqarnerata kommunimit isummerfigineqarnissaa kissaatigigini A-p Kommuni Y-mut malugeqqullugu oqaatiginiaraa. A-p e-maili Kommuni Y-mut 14. oktober 2014-imi – kommunimit nuunnissani ullunik marlunnik sioqqullugu – aammattaaq nassiuppaa, tassanilu ilaatigut B-p inissinneqarneranut tunngavisoq ajornartorsiutaanerarpaa.

Ungali paasinninnera unaavoq e-mailit taakku erseqqarluttumik/paasiumi-naatsumik oqaasertalersugaasut, taamatuttaarlu paasissutissanik arlalinnik suliamut qanoq sunniuteqarnerinik uanga paasinngisannik imaqtut. Tamanna tunngavigalugu saaffiginnissutit taakkua sorpianik siunertaqarnerat Kommuni Y-p paasiuminaatsissimappagu tamanna paasilluarsinnaavara. Ungali paasinninnera unaavoq nalornineq taamaattoq kommunip saaffiginnissutitik tigusaqarniararluni qulaajarniarsarisimasariaqaraluraa.

Kommunili e-mailit taakku nassatarisaannik suliamik suliarinninnernik pingaaruteqartunik iliuuseqarsimansoq suliami allagaatit oqaaseqaatillu Kommuni Y-mit tigusakka aallaavigalugit takusinnaanngilara. Tamanna piffissamik suliamik suliarinninnermut atorneqartumik sivitsorsaaqataasimasoq naatsorsuutigisariaqarpara.

6.2.2. Kommuni Y-p oqaaseqaatai imatut paasivakka kommunip suliamik suliarinninnerani A-mik suleqateqarnerup pilersinneqarnissaa pingaarnertut siunertaasimasoq.

A-lli uannut oqaaseqaammuni oqaatigaa suleqatigiittoqarsinnaalertinnagu pissutsit B-mut tunngasut aqqeqqaaqqullugit Kommuni Y 3. januar 2014-imi ataatsimiinnermi qinnuigisimagini. A-p tamatuma saniatigut oqaatigaa misigisimalluni B-p inissinneqarneranut akuersinini uppersarsarlugu atsiortinniararluni kommunip tatiniarsarisimagaani.

Kommunip suliami inissiinnermut tunngasumi angajoqqaatut oqartussaassusermik tigummiqartumik ilusilersorluagaasumik suleqateqarsinnaanera soorunalimi pitsaasuvoq. Angajoqqaatulli oqartussaassutsimik tigummiqartup ingerlatsivimmik suleqateqarniararluni aalajangenera isumaqartariaqanngilaq angerlarsimaffiup avataanut inissiineq angajoqqaatut oqartussaassusermik tigummiqartup aamma akuersaaraa – imaluunniit angajoqqaatut oqartussaassusermik tigummiqartup siusinnerusukkut akuersinini kingusinnerusukkut tunuartissinnaanngikkaa.

Kommuni Y-p A suleqataalersinniarlugu ataatsimiinnernut arlalinnut aggeq-qusarsimagaa eqqumaffigaara, Kommuni Y-lli suliaq Kommuni X-imit tigum-magu A-p akuersinerminik tunuartitsisimanerata tamannaluunniit pillugu e-mailit A-p Kommuni Y-mut nassiusaasa nassatarisaannik kommuni suliamik suliarinninnermi iliuutsinik pingaaruteqartunik iliuuseqarsimansoq suliami allagaatit oqaaseqaatillu Kommuni Y-mit tigusakka aallaavigalugit erseqqissumik suli takusinnaangilara.

6.2.3. Eqqortusaaq anguniarlugu oqaatigaara suliami allagaatinit ersertoq Kommuni Y uppernarsaammik B-p angerlarsimaffiup avataanut inissinneqarnera akueralugu A-p atsiorsinnaasaanik suliaqarsimasoq. Uppernarsaat taanna 27. maj 2013-imi ullulerneqarsimavoq, A-milli atsiorneqarsimanani, taamatuttaarlu A-p oqaasiinnartigut akuersinera pillugu allakkiamik suliami allagaatit akornanni nassaarsinnaasimananga.

Taamaalillunga manna tunngaviutissinnaangilara, tassalu B-p angerlarsimaffiup avataanut inissinneqarnera A-p akuereqqissimagaa.

Taamaalilluni uanga paasinninnera unaavoq Kommuni Y-p suliaq ukiumi ataatsimi affangajammilu suliarisimagaa, Kommuni Y-lu A-p illoqarfimmut ZZ-imut 2014-imi oktoberimi nuunnerata kingornatigut suliami allagaatinik Kommuni Y-mut ingerlatitseqqilluni nassiussinissaata tungaanut suliami aalajangiisimanngitsoq.

7. Kommuni Y-p suliamik suliarinninnera

7.1 Kommuni Y-p oqaaseqaatai

Kommuni Y-up suliamik suliarinninnini pillugu oqaaseqaatai pingasut tiguakka.

Oqaaseqaammi siullermi 25. november 2015-imeersumi Kommuni Y-p ilaatigut makku paasissutissiissutigai:

“Inissiinerup inatsisikkut tunngavigisaanik nalornissuteqarnerup saqqummiunneqarsimanagera kommunip allagaatit [Kommuni Y-mit; uanga ilanngussara] tiguneqarnissaat sioqqullugu ilisimasimangilaa.

Suliami allagaatit B-p anaanaata kommunimut nuunneranut atatillugu tiguneqarnerinut atatillugu kommunip malugaa B anaanaminut 2012-imi junimi ilumut angerlartinneqarsimagaluartoq, kingusinnerusukkulli paaqqinniffimmut Æ-mut inisseqqinneqarsimasoq, sulilu tassaniilluni. Kommunip allagaatinik tigusinermi kingornatigut paasinninnera unaavoq anaanaasup B angerlarsimaffimini tigujumasimangikkaa. Paaqqinniffiup Æ-p ukiup affakkaartumik nalunaarusiaa 9. august 2013-imeersoq assersuutitut takuuk.

Kommuni Z-ip paaqqinniffik Æ tamatuma kingornatigut ingerlaavartumik attaveqarfigisar-simavaa, attaveqatigiinnerlu taanna suliamilu allagaatit Kommuni Y-mit tiguneqartut aallaavigalugit Kommuni Z-ip paasinninnera unaavoq paaqqinniffimmut Æ-mut/Ø-mut 4. september 2012-imi inisseeqqinnerup kingornatigut naammagittaalliummik saqqummi-ussisoqarsimangitssoq, tamatumalu kingornatigut paaqqinniffimmiinneq inatsisinik unioq-qutitsisuunngitssoq.

Taamaattumik paaqqinniffimmiinneq inatsisinik eqqortitsisuunersoq misissussallugu kom-muni Ombudsmandip saaffiginninnera sioqqullugu pissutissaqarsimangilaq.

Kommunilli paasinneqqaarnera unaavoq A-p Ombudsmandimut naammagittaalliuutaa B-p angerlartinneqarnissaanik taassuma kissaateqarneranut takussutissaasoq.

Suliami allagaatit Kommuni Y-mit aamma Kommuni X-imit tiguneqartut massakkut inissii-nerup angajoqqaamik akuersisitsilluni akuersisitsinaniluunniit pisimanera pillugu erseqqis-sumik paasissutissiiingimmata kommunip Kommuni Y aamma Kommuni X ingerlaannaq attaveqarfiginiarpai, B-p paaqqinniffimmut massakkut inissinneqarsimaneranut tunngavik qulaajarniarlugu, anaanaasullu angerlartitsinissamik qinnuteqaataa kingulleq pillugu su-liap suliarineqarneranik taanna aallaavigalugu aallartitsilluni.” (Ombudsmandeqar-fimmi nutsigaavoq)

Kommuni Z-ip 26.april 2016-imi paasitippaanga Kommuni Z-ip suliaq akis-sutit Kommuni X-imit, Kommuni Y-mit aamma A-mit tiguneqartut tunngavi-galugit misissorniaraa kommunilu qanoq iliuuseqarnissaminik naliliiniartoq.

Kommunia Z uannut e-mailimi 24. juni 2016-imi ilaatigut imatut allappoq:

“Suliaq ullumikkut misissorpara, Kommuni Z-illu suliamik suliarinninnerani killiffik imaat-toq nalunaarutigissallugu:

1. Angerlartitsinissamik A-p kissaatigisaa/inissiinissamut akuersinermik tunuartitsinera kommunip suliarisimangikkai paasivara. Taamaattumik suliap pisariaqartumik suliarineqarnera ullumikkut aallartippara, sapaatillu akunnerisa tulliuttut marluk ingerlaneranni inatsisinik unioqqutitsiunnaarsitsisumik aalajangiisoqarnissaa naatsorsuutigalugu. A aamma paaqqinniffik Å (ulloq unnuarlu paaqqinniffik B-p inissisimaffia) ullumikkut allaffigaakka, qinnuigalugillu paasissutissat suliamik suliarinninninni pisariaqartitakka uannut nassiu-teqqullugit.

A-p inissiinermut akuersinermik tunuartitsisimanerata kommunimit suliarineqarsimannginnera soorunalimi ajuusaarnartorujussuuvoq.” (Ombudsmandeqarfimmi nutsigaavoq)

Kommuni Z 13. juli 2016-imi aalajangiivoq B angerlarsimaffiup avataannut inissinneqassasoq, A akuersitinnagu.

7.2. Piffissaq Kommuni Z-ip suliamik suliarinninnermut atugaa

7.2.1. Kommuni Z-ip oqaaseqaatai imatut paasivakka B-p inissinneqarneranut tunngaviusoq suliami paasissutissat arlallit 2015-imi novemberimi qinnutigereerikka kommunip aatsaat misissorsimagaa.

Uangali paasinninnera unaavoq suliaq ingerlasoq pillugu paasissutissat Kommuni Z-ip siusinnerusukkut tigusimagai.

Taamaalilluni suliami allagaatit Kommuni Z-ip Kommuni Y-mit 2014-imi novemberimili tiguai. Piffissamik Kommuni X-ip aamma Kommuni Y-p suliamik suliarinninnermut atugaannik misissuiner qulaani taaneqartoq tamatumunnga atatillugu innersuussutigaa.

Tamatumunnga atatillugu oqaatigaara suliami allagaatit Kommuni Y-p Kommuni Z-imut nassiukkamigit allakkani nassitsissutini 30. oktober 2014-imeersuni allattoq A-p suleqatiginiarnera ajornartorsiutaasoq. Kommuni Y tamatumunnga uiggiullugu allappoq: “B eqqarsaatigalugu pinngitsaaliilluni peersitsineq tulliuppoq [...]. Meeqqap ataataviata kommunitut najugarivita aamma nalunaarpoq angajoqqaatut oqartussaassuseq ataataasup tigoru-

sukkaa, suliarlu aallartinneqarsimasoq. Naak suliaq ingerlagaluartoq kommunip suliaq pinngitsaaliilluni peersitsinertut suliarisariaqarpaa.”

Kommuni Z-ip A 13. november 2014-imi ataatsimiigiaqqullugu aggeqquaa, taannali takkutinngilaq.

7.2.2. Tamatuma saniatigut oqaatigaara suliami allagaatinit Kommuni Z-imit tigusannit ersertoq A-p e-mailit marluk – 20. november 2014-imi – Kommuni Z-imit nassiussimagai, taakkulu ilaatigut B-p inissinneqarneranut tunngasuusut. E-mailit marluk taakku Kommuni Y-mut tulleriinneri malillugit 12. januar 2014-imi aamma 14. oktober 2014-imi nassiateqqaarneqarsimapput.

Immikkoortumi 6.2.1-imi oqaatigisattut saaffiginnissutit taakku imatut paasivakka B-p inissinneqarnera akuerinngikkini inissiinerullu nammineq paasinninnini malillugu inatsimmik unioqqutitsisuunerata kommunimit isummerfigineqarnissaa kissaatigigini A-p malugeqqugaa.

Ungali paasinninnera unaavoq e-mailit taakku erseqqarluttumik/paasiuminaatsumik oqaasertalersugaasut, taamatuttaarlu paasissutissanik arlalinnik suliamut qanoq sunniuteqarnerinik uanga paasinnngisannik imaqtartut. Tamanna tunngavigalugu saaffiginnissutit taakkua sorpianik siunertaqarnerat Kommuni Z-ip paasiuminaatsissimappagu tamanna paasilluarsinnaavara. Ungali paasinninnera unaavoq nalornineq taamaattoq kommunip saaffiginnissutinik tigusaqarniararluni qulaajarniarsarisimasariaqaraluaraa.

Kommuni e-mailit taakku nassatarisaannik suliamik suliarinninnernik pingaaruteqartunik iliuuseqarsimansoq suliami allagaatit oqaaseqaatillu Kommuni Z-imit tigusakka aallaavigalugit takusinnaangilara, tamannalu piffissamik suliamik suliarinninnermut atorineqartumik sivitsorsaaqataasimasoq naatsorsuutigisariaqarpara.

Tamatununga atatillugu oqaatigaara suliami allagaatit Kommuni Z-imit tigusakka tasaanerusut kommunimi namminermi sulisut kommunillu aamma

kommunip paaqqinniffiullu Æ-p e-mailikkut allaffigeqatigiittarneranni alla-gaasimasut – taamaalillunilu suliami allattuiffik ataasiinnaq kommunip sulia-mik tigusuneranut kommunip suliami allagaatinik uannut 2015-imi novembe-rimi nassiussinissaata tungaanut allattuiffigineqarsimasoq suliami allagaatini ilaavoq.

7.2.3. Qulaani taaneqartut tunngavigalugit uanga paasinninnera unaavoq Kommuni Z-ip suliaq ukiup ataatsip affallu missaanni suliarisimagaa, B a-ngerlarsimaffiup avataani akuersisitsinani inissisimassasoq kommunip 2016-imi julimi aalajangiinissaata tungaanut.

8. Piffissamik suliamik suliarinninnermut atorneqartumik uanga na-liliinera

Paasisinnaavara kommunit suliamik suliarinninnerminni A-mik attaveqarfi-ginninnertik aallaavigalugu kommunit sumik iliuuseqassasut A-p kissaatigi-gaa nalornisarsimassappata – kommunillu A-mut attaveqartarnerisa ilusaat piffissamik suliamik suliarinninnermut atorneqartumik sivitsorsaaqataasima-sinnaasoq. Taamaakkaluartuq uanga ataatsimut isiginnillunga paasinninnera unaavoq kommunit suliami angerlartitsisoqarnissaanik qinnutigisap kingu-nerisaanik aalajangiisussaasimasut, aalajangiinerlu taanna piffissap naam-maginartumik sivisussusillip iluani pisussaasimasoq.

Piffissamik suliap suliarineqarneranut atorneqartumik naliliininni ilaatigut manna pingaartillugu isiginiarpara, tassalu Kommuni X-ip suliaq qaammatit arfineq pingasut missaanni kiisalu Kommuni Y-p aamma Kommuni Z-ip tamarmik immikkut ukiup ataatsip affallu missaanni aalajangiinatik suliarisi-magaat. Taamaalillutik A-p inissiinnermut akuerisaminut akuersinnerminik tu-nuartitsineranit suliami aalajangiisoqarnissaata tungaanut katillugit ukiut si-samat sinnerlugit ingerlasimapput.

Piffissamik Kommuni Y-p aamma Kommuni Z-ip suliamik suliarinninner-minnut atugaannik naliliininni makku eqqumaffigaakka, tassalu Kommuni X-ip paasissutissartalersuinerata amigateqarnera Kommuni Y-p aamma Kom-

muni Z-ip suliap ingerlasimaneranik paasisaqarnissaannut – taamalu piffis-
samut kommunit taakku suliamik suliarinninnerminnut atugaannut - aamma
sunniuteqarsimassasoq naatsorsuutigisariaqartoq.

Kommuni Y-p aamma Kommuni Z-ip suliap pillugu paasisutissanik arlalin-
nik malitseqartitsivigisimanngisaminnik A-mit tigusaqarsimanerat aamma
pingaartillugu isiginiarpara. Uanga naliliinera unaavoq tamatuma piffissaq
kommunit taakkua marluk suliamik suliarinninnerminnut atugaat suli sivisu-
nerulersissimagaa.

Kiisalu angerlarsimaffiup avataanut inissiineq angajoqqaatut oqartussaassu-
sermik tigummiqartup isumaqatiginngisaa kommunip iliuuserisinnaasaasa
akuliuffiunerpaat ilagimmassuk tamanna pingaartillugu isiginiarpara.

Suliamik suliarinninninni Kommuni Z-ip oqaatigaa A-p akuersinernik tu-
nuartitsineranik kommunip suliarinnissimannginnera kommunip ajuusaar-
nartorujussuartut isigigaa. Kommuni Z tamatumani isumaqatigaara.

Taamaalilluni uanga paasinninnera unaavoq piffissaq Kommuni X-ip, Kom-
muni Y-p aamma Kommuni Z-ip suliamik suliarinninnerminnut atugaat
isorisariaqartuusoq.

Piffissap suliamik suliarinninnermut atorneqartup sivisuup taassuma A-p I-
sumaginninnermi Naammagittaalliuuteqartarfimmut naammagittaalliornis-
saminut mattusimaneqarsimanagera ilaatigut nassatarisimavaa. Uanga paa-
sinninnera unaavoq pineqartup inatsiseqartitsinikkut innarlitsaalineqarnera
taamaaliornikkut aalajangiisuusumik sanngiillisinneqarsimasoq.

9. Naggasiutaasumik oqaaseqaatit

Kommuni X-ip suliap ingerlasimanera pillugu allakkatigut uppersaatinik
sukumiisunik peqannginnera isorisariaqartutut isigaara.

Piffissaq Kommuni X-ip, Kommuni Y-p aamma Kommuni Z-ip suliamik suliarinninnerminnut atugaat isorisariaqartut aammattaaq isigaara.

Oqaaseqaatima assilinera A-mut aamma B-mut nassiuppara. Suliamik inaarsaallunga suliarinninnerma sivitsuloorunneqarnera A-mut tamatumunga atatillugu ajuusaarutigaa. Piffissap suliamik uanga suliarinninninnut atorineqartup sivilissusia Ombudsmandeqarfimmi suliasarpassuaqarneranik suliasarpassuaqarsimaneranillu pissuteqarpoq.

Oqaaseqaat manna oqaaseqaammi pineqartut kikkuussusii ilisarnarunnaarsillugit nittartakkanni tamanut saqqummiunneqarumaarpoq, 2018-imilu ukiumoortumik nalunaarutinni ilanngunneqarumaarluni.

SULIAP INGERLASIMANERANIK ALLAASERINNINNEQ

Kommuni X-ip B paaqqinniffimmut imminut pigisumut Æ-mut illoqarfimmi XX-imiittumut 29. november 2011-mi inissippaa, A angajoqqaatut oqartussaassusermik tigummiaqartoq akuersitinnagu. Kommuni X-ip iliuusissanut pilersaarut tamatumunnga atatillugu suliaraa, taannalu suliamik suliarinnittumit aamma A-mit atsiorneqarsimavoq. [...]

Kommuni X-ip A 10. december 2011-mi nalunaarfigaa B-p paaqqinniffimmi Æ-mi inissinneqarnissaanik qinnuteqaat Isumaginninnermik Ingerlatsiviup 29. november 2011 aallarnerfigalugu killiligaanngikkallartumillu 1. december 2011-mi akuersimagaa. Meeqqanik inuusuttunillu ikiorsiisarneq pillugu Inatsisartut peqqussutaanni nr. 1-imi, 15. april 2003-meersumi § 9, imm. 2, nr. 10 kommunip innersuussutigaa.

A-p Meeqqanik Inuusuttunillu Sullissiviup killiffik pillugu nalunaarusiaa 23. maj 2012-imeersoq pillugu allakkatigut 31. maj 2012-imeersutigut oqaaseqaataanit ilaatigut makku erserput:

“Massakkut isumaqarpugut ilaqutariinnik sullissivik aqutigalugu sulinitsigut A angerlarsimaffitsinni najugaqartissinnaalerlugu, isumaqarattami ilaqutariinnik sullissiviup uagut (A aamma C) ikiorsimagaatigut sulilu ikiorluta siunissamilu aamma B taamalu tamatta ikiorsinnaagaatigut, tamannami pisariaqartinneqaqimmat. Matumani isumaqarpugut ilaqutariinnik sullissivik pingaarutilimmik inissisimasinnaasoq. B-p neriorsuutigineqartutut ikiorneqarnissaa suli kissaatigaarput.” (Ombudsmandeqarfimmi nutsigaavoq)

B aasaanerani Danmarkimi feriarnermi sooq peqataatissinnaanngikkini paaqqinniffiup Æ-p Kommuni X-imi suliamik suliarinnittumut e-mailimi 4. juni 2012-imeersumi nassuiarpaa. [...]

Eqqartuussissuserisoq D Kommuni X-imut A sinnerlugu 14. juni 2012-imi ilaatigut imatut allappoq:

“Sullitara A sinnerlugu Kommuni X-imut matumuuna saaffiginnippunga, sullitaralu sinnerlugu matumuuna erseqqissumik oqaatigalugu A-p meeqqami angajoqqaatut tamakkiisu-

mik oqartussaaffigisami B-p ulloq unnuarlu paaqqinniffimmi paaqqinniffimmi Æ-mi illoqarfimmi XX-imiittumi inissineqarsimanera akuersaarunnaaraa. Allakkani 10. december 2011-meersuni suliami [...]miittumi oqaatigineqarpoq inissiineq Inatsisartut peqqussutaanni nr. 1-imi, 15. april 2003-meersumi § 9, imm. 2, nr. 10 tunngavigalugu meeqqap akuersisitsilluni inissiinikkut ikiorsiiniutitut pisimasoq.

Taamaalilluni B-p imminnut angerlartinneqarnissaa sullitama kissaatigaa.

Angerlartitsinermut uiggiullugu ilaqutariinnut meeqqamullu iliuusissanut pilersaarut suliarineqassasoq sullitama aamma kissaatigaa, akuersisitsillunilu inissiinermut taarsiullugu ikiorsiiniutit allat tassani qulaajarneqassallutik. [...]

[...]

Uanga tamatuma kingornatigut naliliinera unaavoq ikiorsiiniutit siunertaat anguneqarsimasoq, taamaattumillu Kommuni X inussiarnersumik qinnuigissavara suliaq pisarisaqarneratut ingerlateqqullugu, taamaalilluni B nammineq angajoqqaaminut angajoqqaatullu oqartussaassusermik tigummiqartumut angerlartinneqarsinnaaqullugu.

B-p inissinneqarnerani siunertaq anguneqarsimasoq Kommuni X-ip isumaqatiginngippagu Kommuni X inussiarnersumik qinnuigissavara uanga A-mut illersortitut toqqaqqullunga, taamaalillunga pineqartoq B-p pinngitsaaliissummik inissinneqarsinnaanerani soqutigisaminik isumaginninnissaanut ikiorsinnaaniassagakku." (Ombudsmandeqarfimmi nut-sigaavoq)

Suliami allagaatinit erserpoq Kommuni X aamma A taassuma B-mut iliuusissanut nutaamik pilersaarudioqqusineranut atatillugu 16. juni 2012-imi aataatsimiissimasut.

Kommuni X-imi isumaginnittoqarfimmi pigaartuusoq 23. juni 2012-imi atveqarfigineqarsimavoq, tassami B A-lu kamaassimmamata. Isumaginnittoqarfimmi pigaartup nalunaarusiaanit ilaatigut erserpoq B paaqqinniffimmi Æ-mi inissisimasuusoq, inuusuttunullu siunnersortip B kamaannerup kingornatigut paaqqinniffimmut Æ-liaassimagaa. Aammattaaq nalunaarusiamit erserpoq paaqqinniffik Æ meeqqat tamarmik sulisullu Danmarkimi feriarnerat pissutigalugu matoqqagallartoq, taamaattumillu isumaginnittoqarfimmi pigaartuusoq B eqqarsaatigalugu aaqqiissutaagallartumik ujarlertoq.

Paaqqinniffiup Æ-p inissiinermi angerlartitsinermilu immersugassaataanit erserpoq B paaqqinniffimmut Ø-mut, paaqqinniffiup Æ-p ataani najugaqarfimmut, nuutsillugu 4. september 2012-imi inissinneqarsimasoq.

Kommuni X-imi suliami allattuiffimmit 9. november 2012-imeersumit erserpoq A suliamik suliarinnittumit 9. november 2012-imi ataatsimeeqatigineqarsimasoq, B siunissamilu suleqatigiinneq ilaatigut oqaloqatigiissutigalugit. Tassannga erserpoq A-p oqaatigigaa B pillugu atsiugaqarniarani aalajangerluni, suliamillu suliarinnittoq A-mut oqartoq suleqataajumangippat akuersisitsinani inissiinermik naggasiisoqarsinnaasoq. Tamatuma saniatigut erserpoq B tarnip pissusiinik ilisimasalimmik oqaloqateqarsinnaasoq akuersilluni uppernarsaat A-p tamatuma kingornatigut atsiorsimagaa.

Inaarutaasumik nalunaarusiamit 12. november 2012-imeersumit Kommuni X-imi Meeqqanik Ilaqutariinnillu Sullissivimmit suliarineqarsimasumit ilaatigut makku erserput:

"Ingerlasimanera:

Killiffik pillugu nalunaarusiaq 23.05.2012-imi suliarineqarsimasoq innersuussutigineqarpoq. Killiffik pillugu nalunaarusiaq taanna suliarineqareersoq aappariit ataatsimoortillugit, kiisalu C aamma A immikkoortillugit ataasiarlutik oqaloqatigineqarsimapput. 6.9.-mi oqaloqatigiinnermi C oqarpoq A-lu aalajangersimallutik B attaveqarfigiumanagu. Paaqqinniffimmut Æ-mut inisseqqinneqarsimavoq angerlaqqusaananilu, nukkaminullu aamma attaveqaqqusaanani.

[...]

Naliliinerit kaammattuutillu

Aappariit B-mut attaveqarusunngimmata Meeqqanik Ilaqutariinnillu Sullissivimmi oqaloqatigeqqinnissaannut tunngavissaaruppoq." (Ombudsmandeqarfimmi nutsigaavoq)

Suliami allagaatinit erserpoq A Kommuni X-ip B pillugu 28. januar 2013-imi ataatsimiigiaqqusimagaa, A-li takkussimangitsoq.

Suliami allagaatit Kommuni X-ip Kommuni Y-mut allakkatigut 8. april 2013-imeersutigut nassiuppai, tassami A angajoqqaatut oqartussaassusermik ti-

gummiagartuusoq Kommuni Y-mi illoqarfimmuṭ YY-muṭ 1. marts 2013-imi nuussimammat. Kommuni X-ip allagaanit Kommuni Y-muṭ nassitsissutinit i-laatigut erserpoq B ulloq unnuarlu paaqqinniffiup Æ-p immikkoortortaqarfianuṭ Ø-muṭ angerlarsimaffiup avataanuṭ inissinneqarsimasoq, suliamilu allagaatit kommunit akunnerminni akiliiffigeqatigiittarnissamuṭ pisussaaffii pillugit Inatsisartuṭ peqqussutaanni § 13, imm. 2 tunngavigalugu Kommuni Y-muṭ nassiunneqartuṭ.

Suliami allagaatinit erserpoq akuersinermuṭ uppernarsaat B-p angerlarsimaffiup avataanuṭ inissinneqarnerani atugassatuṭ Kommuni Y-p 27. maj 2013-imi suliarisimagaa. Akuersinermuṭ uppernarsaat taanna A-p atsiorsimanngilaa.

Kommuni Y-p A 6. maj 2013-imi ataatsimiinnissamuṭ 1. maj 2013-imi aggeqquaa. Kommunip suliami allattuiffianit 6. maj 2013-imeersumuṭ erserpoq A takkussimanngitsuq, takkunnianginninilu nalunaarutigisimanngikkaa.

Suliamili allagaatinit aamma erserpoq A-p Kommuni Y-mi suliamik suliarinnittumuṭ e-mailikkut 5. maj 2013-imeersukkuṭ nalunaarutigigaa ataatsimiinnermuṭ qulaani taaneqartumuṭ takkunniarani.

Kommuni Y-p A 10. juni 2013-imi ataatsimiinnissamuṭ nutaamuṭ 4. juni 2013-imi aggeqquaa.

Tamatuma saniatigut A-p Kommuni Y-mi suliamik suliarinnittumuṭ e-mailianit 5. juni 2013-imeersumuṭ erserpoq 5. juni 2013-imi imaluunniit 10. juni 2013-imi ataatsimiinnermuṭ takkunnissaminuṭ periarfissaqarani nalunaarutigisimagaa. Siunissamilu attaveqatigiittarneq tamarmi allakkatigut pisarnissaa aammattaaq qinnutigisimava. E-mailimit tassannga makku aamma erserpuṭ:

“Qulaani oqaatigineqartuṭ suliamik suliarinnittumik aasiit suleqatiginnikkusussuseqannginneruṭ paasineqartariaqanngillat, siunissamili oqaloqatigiinnerup tamarmik allakkatigut at-

taveqatigiinnertut pisarnissaanik kissaateqarnitsinnut nassuiaatitut paasineqassallutik.”
(Ombudsmandeqarfinmi nutsigaavoq)

Kommuni Y-p suliami allattuiffianit 6. juni 2013-imeersumit erserpoq A-p e-mailia 5. juni 2013-imeersaq kommunip tigusimagaa, kommunillu A akisimagunaraa suleqatigiinneq allakkatigut ingerlasinnaanngitsoq, piffissarlu aalajangersarneqartoq eqqorlugu takkunnissaa kommunip kissaatigigaa, suleqatigiinneq aallartissinnaaqqullugu.

Suliap ingerlasimaneranik paasinninnini A-p e-mailikkut 5. juni 2013-imeersukkut allaaseraa. A-p malugeqqullugu ilaatigut oqaatigaa isumaqarluni B-p inissinneqarnera akuersinerminik 2012-imi majimi junimilu tunuartitsigamili inatsimmik unioqqutitsisuusimasoq. Saaffiginnissut taanna paaqqinniffiup Æ-p pisortaanut ingerlatitaavoq, uangali paasinninnera unaavoq e-maili taanna Kommuni Y-mi suliamik suliarinnittumut tamatumunnga peqatigitilugu nassiunneqarsimasoq.

Paasivara Kommuni Y-mi suliamik suliarinnittup B pillugu suliaq TSU-mi [asigiinngitsunik suliallit suleqatigiiffiattut ataatsimiititaliami, uanga ilanngusara] suliarisassanngorlugu 29. juli 2013-imi inassuteqaatigisimagaa, A-mik suleqateqarniarnerup ajornartorsiutaanera pissutigalugu. Angerlarsimaffiup avataanut akuersisitsinani inssiisoqarnissaanik inassuteqaat pineqarnersoq suliami allagaatini takuneqarsinnaanngilaq.

B pillugu ukiup affakkaartumik nalunaarusiamit paaqqinniffimmit Æ-mit 9. august 2003-mi suliarineqarsimasumit ilaatigut makku erserput:

“B 2012-imi junimi anaaminut angerlartinneqaraluarpoq, paaqqinniffimnulli Æ-mut inisseqqinneqarluni paniusup anaanaasullu oqqaterujussuarnerisa kingornatigut.

[...]

B-p paaqqinniffimmut Ø-mut nuunnissani assut qilanaarisimavaa. [...] Paaqqinniffimmut Ø-mut nuunnissani aalajangeeqataaffigisimavaa, tassami anaaminut ataataaminullu uteqqikkumannnginnami.” (Ombudsmandeqarfinmi nutsigaavoq)

A aamma Kommuni Y-mi suliamik suliarinnittoq 3. januar 2014-imi B pillugu ataatsimiipput. Ataatsimiinneq taanna Kommuni Y-p uannut oqaaseqaataani 16. december 2015-imeersumi kingusinnerusukkut issuarneqartumi eqqaa-neqarpoq.

A e-mailikkut 4. januar 2014-imeersukkut Kommuni Y-mut ilaatigut imatut allappoq:

"3. januar 2014-imi nal. 10:00-mi ataatsimiinnitsinnut malitseqartitsissutitut makku nas-siunneqarnissaat matumuuna qinnutigissavarput:

[...]

3. B-p paaqqinniffimmut Ø-mut inissinneqarneranut angajoqqaatut oqartussaassusermik tigummiagartup akuersinerata assilinerá

[...]

5. B-p inatsit unioqqutillugu inissinneqarsimanerata uppersarsarneqarnera tamatumaluunniit paarlattua (+ tunngavilersuutit)

6. Angajoqqaatut oqartussaassusermik tigummiagartup pisinnaatitaaffiisa piaaraluni arla-leriarlunilu unioqqutinneqarsimanerannik uppersarsaneq tamatumaluunniit paarlattua (+ tunngavilersuutit)

[...]

11. Mailikkut ataveqarfigisimagitsigit aamma sooq ataatsimeeqataarusunnginnitsinnik sukumiisumik nassuiaassimagitsigit mailikkuinnarlu ataveqatigiinnissarput kissaatigigipput oqaatigisimagipput uppersarsaqqarput, taamaalillutik kikkunnit tamanit (matumani eqqartuussissuserisoq ilanngullugu eqqarsaatigalugu) ilisimaneqalersinnaaqqullugu takuneqarsinnaaqqullugulu qanoq oqartoqarsimasoq, suut isumaqatigiissutigineqarsimasut, suut iliuuserineqarsimasut iliuuserineqarsimanngitsullu. Taamaalillutik suut tamarmik eqqortumik torersumillu ingerlanerat suliami illua'tungeriinnit qulakkeerneqarsinnaaqqullugu. Illillu taamaaliorumasimanngitsutit.

12. Uppersarsassagit B-p massakkut inatsit unioqqutillugu inissinneqarsimanera inatsimmik unioqqutitsisuujuunnaarsinniarlugu 03/01-14-imi nal. 10:00 illit kommunimi allaffinni suleqatit peqatigalugu A atsiortinniarlugu tamaviaarlutit tatiniarsimagaluarissi.

[...]

14. Suliamik suliarinninnerup tamarmiusup akuerineqarsinnaanngitsumik sivisussuseqarnermigut amigaateqarnermigut pilersaarusiugaannginnermigullu ilaqutariit ataatsimut ataasiakkaarlugillu isigalugit innarliisuunera uppersarsassagit tamatumaluunniit paarlattua (+ tunngavilersuutit)
15. Suliamik suliarinninnerup tamarmiusup sivisuallaarsimanera ajorpallaarsimaneralu ilaqutariit inuttaat ilanngullugit naatsorsuutigalugit ataatsimut isigalugu iluaqutaanerunermiit ajoqusiisuunerusimanera taamatuttaarlu ilaqutariit ataatsimoortillugit isumaqatigiissutigineqartutut kissaatigineqartutullu suliniuteqarfigineqarsimannginnerat uppersarsassagit tamatumaluunniit paarlattua (+ tunngavilersuutit)
16. B-p inatsimmik unioqqutitsilluni inissinneqarnerata ilaqutariinni ataavartumik aqqineqarsinnaanngitsumillu pissuseqalersitsisimanera uppersarsassagit tamatumaluunniit paarlattua (+ tunngavilersuutit)
17. Suliamik suliarinninnermi qanoq iliorluta naammagittaalliuutiginnissinnaanitsinnik ilitsersuisoqassasoq, kiisalu ilaqutariit suliamik arriippallaamik suliarinninnerup aamma suliamik suliarinninnermi periaatsit attanneqarsinnaanngitsut apeqquserneqarsinnaasullu pissutaallutik ilaqutariit pisariaqanngitsumik anniartinneqarneranut taarsiissuteqartoqarnissaanik suliaq aallartinneqarsinnaanersoq illit naliliissasutit. Aammattaaq ataatsimiigiaqqusinerpassuit naleqqutinngitsut, angusaqarfiunngitsut pilersaarusiugaanngitsullu ornittaraluakkavut pissutaallutik akissarsiassanut annaasanut taarsiissuteqartoqassasoq. Kiisalu B angerlartinniarlugu piffissamut Meeqqanik Ilaqutariinnillu Sullissivimmi atukkatsinnut B-llu kissaatigineqartutut angerlartinneqarnissaanik inatsimmik unioqqutitsilluni itigartitsinermut.
18. Suliap suliarineqarnera sivisuallaamik ajorpallaamillu ingerlasimasoq kiisalu siusi-naartumik iliuseqartoqarsimannginnerata B-p atugarissaarnissaata illersorneqarsinnaasumik isumagineqarnissaa eqqarsaatigalugu ajornartorsiuterujussuusimanera uppersarsassagit tamatumaluunniit paarlattua (+ tunngavilersuutit)

[...]

20. Suliamik suliarinninnerup ingerlasimanera tamarmiusoq akuerineqarsinnaasutut isigineqarsinnaanersoq imaluunniit isumakkeerfigineqarsinnaanngitsumik ajorluinnartutut ilumut taaneqarsinnaanersoq naliliisoqassasoq.

[...]

23. Oqartussaasut akuusut inatsimmik arlaleriarlutik unioqqutitsisarsimanagerat uppernar-sarneqassasoq tamatumaluunniit paarlattua (+ tunngavilersuutit).” (Ombudsman-deqarfimmi nutsigaavoq)

Suliap ingerlasimanageranik angerlarsimaffiup paasinninnera A-p Kommuni Y-mi suliamik suliarinnittumut e-mailikkut 12. januar 2014-imeersukkut nas-suiarsimavaa. Oqaatigaara e-maili taanna suliami allagaatini Kommuni Y-mit tigusanii ilaanngitsoq. A-lli e-maili taanna Kommuni Z-imut 20. november 2014-imi nassiateqqippaa, e-mailimillu tassannga erserpoq taanna Kommuni Y-mi suliamik suliarinnittumut 12. januar 2014-imi nassiateqqaar-neqarsimasoq. A ilaatigut imatut allappoq:

“Ataatsimiinnermi annertunerusutigut suliamik suliarinnittut paaqqinniffiullu Æ-p uatsinnik sakkortuumik isornartorsiuffigisaanni B-p angerlartinneqarnissaa massakkut kissaatigi-gipput oqaatigaarput, ilaqutariinnimmi sullissivimmi sulisut isumasioqatiginerini uannut o-qaatigineqarmat angerlarsimaffik B-mik tigusinissaminut piareertoq, tamannalu B-mut pitsaanerpaassasoq.

B pimoorussamik suli ikiorneqanngilaq.

[Kommuni X-imi] suliamik suliarinnittoq isumaqarpoq B-p angerlartinneqarnera pineqartu-mik ajoqusiissasoq, angerlarsimaffiullu piareersimannginnera innersuussutigalugu. Isuma taanna [Kommuni X-imi sulisup] paaqqinniffiullu Æ-p tapersersorpaat. Aammattaaq isu-maqarput B ataataminukartinneqassasoq, tamannalu pimoorullugu suliniutiginiarlugu. Taakkua arlaannaalluunniit angerlarsimaffimmi pissutsinik iluamik ilisimasaqanngilaq.

[Kommuni X-imi suliamik suliarinnittoq] angajoqqaatut oqartussaassutisimik tigungmiaqar-toq akuersitinnagu aalajangiivoq B ulloq unnuarlugu paaqqinniffimmi Ø-mi inissisimaannas-sasoq.

[...]

Netværksmødep kingornatigut:

[...]

Eqqartuussissuserisoq angerlarsimaffiup attaveqarfigaa, taannalu [Kommuni X-imi sulia-mik suliarinnittumut] saaffiginnippoq, malugeqqullugulu oqaatigalugu B-p angajoqqaatut oqartussaassutisimik tigungmiaqartoq akuersitinnagu inissinnissaanut piginnaatitaanngit-soq, pinngitsaaliilluni peersitsiniarnermik suliaq ingerlariinngippat pileriartulersimanngip-palluunniit.

[...]

B aasaanerani feriami sivisunerusumik angersimaffimminiinnissaminut akuerineqarpoq.

[...]

B-p atuussinnaassuseqanngitsumik/inatsit unioqqutillugu inissinneqarnera:

Inissiiinermik attassiinnarneq taanna pissutsinik angerlarsimaffiup B-mik tigusinissaminut piareerfigisaanik kissaatigisaanillu soorunalimi ajornerulersitseqataavoq, tamannalu angajoqqaatut oqartussaassusermik tigummiqartup nammineq kingusinnerusukullu eqqartuussissuserisup malugeqqullugu oqaatigaat.

[...]

Ilaqutariit tamatuma nalaani illoqarfimmut YY-mut nuupput:

Uagut angerlarsimaffimmi suut tamarmik uatsinnut saatinneqarnissaat, killormut saatitsinerit, neriorsuutit eqquutsinneqanngitsut, pasilluutit pisinnaatitaaffinnillu unioqqutitsinerit ima annilaangalersissimatigaatigut nalunaarutigisariaqarlugu qulaani taaneqartut pissutigalugit allakkatigut attaaveqatigiittoqartarnissaa piumasarigipput, taamaalilluta eqqartuussissuserisoq ikiuisarfiilluunniit allat attaveqarfigisarsinnaaniassagatsigit.

Tamanna itigartilluinnarneqarpoq, suleqataarusunnginnerput innersuussutigalugu.

B suli inissisimavoq pinngitsaaliillunilu peersitsiniarnermik suliaq aallartinneqarani. Angerlarsimaffik B isumaqatigiissutaasutut angerlartinniarlugu piareerniarluni ilaqutariinnik sullissivik suleqatigalugu angerlarsimaffimmi pissutsinik aaqqiiniarluni ilungersorluni sulisimasoq inatsimmik unioqqutitsilluni inissiiikkut angerlarsimaffiullu B-mut sinaakkutissanik eqqortunik pilersitsiniarneq eqqarsaatigalugu oqartussaassusianik sumiginnaanikkut sorriarsinnaajunnaarsinneqarpoq, taamaalillutillu suut tamarmik unillutik. [...] Angerlarsimaffik B-p inatsimmik unioqqutitsilluni inissinneqarsimaneranut akiliutinik akiliisinniarneqartalermat [Kommuni Y-mi] suliamik suliarinnittup oqaloqatiginissaanut piffissamik pivugut.

Tassani B ilungersuullugu atsiortinniarneqaraluarpoq B-p inatsimmik unioqqutitsilluni inissinneqarnera inatsimillu unioqqutitsilluni akiliisitsiniarneq inatsimmik unioqqutitsisuu-junnaarsinniarlugit." (Ombudsmandeqarfimmi nutsigaavoq)

Suliami allagaatinit erserpoq Kommuni Y-p A paaqqinniffiup Æ-p ukiup affakkaartumik nalunaarusiaa pillugu 22. april 2014-imi ataatsimiinnissamut 10. april 2014-imi aggeqqusimagaa. Kommunip allattuiffianit 24. april 2014-imeersumit erserpoq A takkussimanngitsoq.

Suliami allattuiffimmit 3. juli 2014-imeersumit ilaatigut erserpoq Kommuni Y-p A-mut kalerreeqqaarani 3. juli 2014-imi pulaarsimasoq pissutsit B-mut tunngasut oqaloqatiginnissutiginiarlugit. Ataatsimiinneq taanna Kommuni Y-

p uannut oqaaseqaataani kingusinnerusukkut issuarneqartumi sukumiineru-sumik allaaserineqarpoq.

A angajoqqaatut oqartussaassusermik B-p ataaviata tiguisinnaanera pil-lugu Kommuni Y-mut e-mailikkut 14. oktober 2014-imeersukkut allappoq. E-maili taanna A-p Kommuni Z-imut 20. november 2014-imi nassiateqqip-paa. A tamatumunnga atatillugu ilaatigut imatut allappoq:

“Inatsisit unioqqutillugit angerlarsimaffiup avataani inissinneqarneranut peqqutinik tun-gavilersuineq + angerlarsimaffiup avataanut inissinneqarneranut uppersaat.”

Suliami allagaatit Kommuni Z-ip Kommuni Y-mut 7. november 2014-imi ti-guai, tassami A illoqarfimmut ZZ-imut 16. oktober 2014-imi nuussimam-mat. Kommuni Y-mit Kommuni Z-imut allakkanit nassitsissutinit ilaatigut makku erserput:

“[...]”

- B pillugu suliniarnermi anaanaasoq suleqatiginiarnera ilungersunartuuneranik ki-ngullermik anaanaasoq angerlarsimaffianut pulaarlugu oqaloqatigineqarnikuuvoq periarfissinneqarluni aaliangertariaqartoq suleqataaniarnerluni imal. suleqataan-ginniarnarluni, tutsaqarnikuunngilarli. Ilisimatinneqarnikuuvoq tutsaqassasoq aa-liangeruni kisiannili periarfissinneqarnermini tutsaqarnikuunngilaq, B eqqarsaatigalugu tvangsfjerninngornissaa tullinnguuppoq oqartussaaffik kommunimiilersillu-gu.
- Ataataasoq [...] illoqarfimmi [...] -mi najugaqarpoq [ataataasullu kommunianit] ili-simatitsissutaanikuuvoq angajoqqaatut oqartussaaffik ataataasup tiguniaraa su-liarlu ingerlasoq. Taamaattoq ingerlagaluartoq B eqqarsaatigalugu tvangitit kom-munip tigusariaqassavaa.”

Suliami allagaatinit erserpoq Kommuni Z-ip A 13. november 2014-imi ataatsimiinnissamut 11. november 2014-imi aggeqqusimagaa, A-li takkussimanngitsoq. Suliami allagaatinit taamatuttaaq erserpoq A-p 13. november 2014-imi ataatsimiinnissamut takkussimannginnini e-mailikkut 20. november 2014-imeersukkut ajuusaarutigisimagaa, peqataanissaminilli periarfissaqarsimanani.

Suliap ingerlasimanera A-p uannut e-mailitigut 14. aamma 17. marts 2015-imeersutigut ilanngussartalitsigut naammagittaalliuutigaa. A e-mailini 17. marts 2015-imeersumi ilaatigut imatut allappoq:

“B massakkut inuusuttunik ulloq unnuarlu paaqqinniffimmiippoq. Taamatut inissiisoqarnissaata angerlarsimaffimmit kissaatigineqarsimannginnera angerlarsimaffiullu inissiisuusimannginnera erseqqissassallugit pingaartuuvoq.

Kommunimi sullissivik kisimiilluni B-mik inissiisuusimavoq, pinngitsaaliissummik peersitsineq pillugu pilersitsinani, angajoqqaatullu oqartussaassuseqarnermik tigungmiaqartoq akuersiteqqaarnagu. (Ombudsmandeqarfimmi nutsigaavoq)

Sulisuma ilaata Kommuni X-imi suliamik sularinnittoq oqarasuaatikkut 23. marts 2015-imi attaveqarfigaa. Suliamik sularinnittup oqaatigaa Kommuni X pinngitsaaliilluni peersitsisoqarnissaanik aalajangiisimanngitsoq, A-lu illoqarfimmut ZZ-imut nuussimasoq, taamaattumillu Kommuni X-ip paasininnera unaasoq Kommuni Z tassaasariaqartoq suliama aalajangiisoq.

Kommuni X, Kommuni Y aamma Kommuni Z 14. april 2015-imi allaffigaakka, qinnuigalugillu suliama allagaatit tamaasa uannut nassiuteqqullugit.

Suliama allagaatit allakkatigut 29. maj 2015-imeersutigut Kommuni Y-mit tiguakka.

Suliama allagaatit immikkut toqqakkat Kommuni X-imit 25. juni 2015-imi tiguakka.

B pillugu suliama allagaatit sinneri Kommuni X qinnuigereerlugu 7. juli 2015-imi tiguakka.

Kommuni X, Kommuni Y aamma Kommuni Y assigiilluinnangajannik oqaasertalinnik 11. november 2015-imi allaffigaakka.

Kommuninut pingasunut taakkununnga tamanut ilaatigut imatut allappunga:

“Suliami B-mut tunngasumi allagaatit misissoreerlugit paasivara B-p angerlartinneqarnissaa kisaatigalugu A-p Kommuni X-imut allakkani 31. maj 2012-imeersuni siullermeerluni saqqummiussimagaa, tak. A-p taassumalu inooqataata C-p Meeqqanik Ilaqutariinnillu Sul-lissiviup killiffik pillugu nalunaarusiaa 23. maj 2012-imeersoq pillugu oqaaseqaataat. Aamma paasivara eqqartuussissuserisup D-p Kommuni X allakkatigut 14. juni 2012-i-meersutigut A sinnerlugu nalunaarfigigaa B-p angerlarsimaffiup avataanut inissinneqarne-ranuk akuersineq A-p tunuartikkaa kiisalu angerlartinneqarnissaa kisaatigigaa.”

Kommuni X-imut tamatuma saniatigut ilaatigut imatut allappunga:

“Kommuni X qinnuigaara suliaq pillugu oqaaseqaateqaqqullugu.

Kommuni qinnuigaara manna immikkut isummerfigeqqullugu, tassalu suliami allagaatinit ersertoq B-p angerlarsimaffiup avataanut inissinneqarneranuk akuersinini A-p 31. maj 2012-imi aamma 14. juni 2012-imi tunuartissimagaa.”

Kommuni Y-mut aammattaaq ilaatigut imatut allappunga:

“Kommuni Y qinnuigaara suliaq pillugu oqaaseqaateqaqqullugu, matumani kommuni A-p illoqarfimmut YY-mut nuunneranuk atatillugu isumaginninnermi suliami B-mut tunngasumi allagaatit Kommuni Y-p allagaasigut 8. april 2013-imeersutigut tigugamigit qanoq iliuuse-qarsimanersoq ilanngullugu eqqarsaatigalugu. Kommuni qinnuigaara manna immikkut i-summerfigeqqullugu, tassalu suliami allagaatinit kommunimut nassiunneqartunit ersertoq B-p angerlarsimaffiup avataanut inissinneqarneranuk akuersinini A-p 31. maj 2012-imi aamma 14. juni 2012-imi tunuartissimagaa.”

Kommuni Z-imut ilaatigut imatut aamma allappunga:

“Kommuni Z qinnuigaara suliaq pillugu oqaaseqaateqaqqullugu, matumani kommuni A-p illoqarfimmut ZZ-imut nuunneranuk atatillugu isumaginninnermi suliami B-mut tunngasumi allagaatit Kommuni Y-p allagaasigut 30. oktober 2014-imeersutigut tigugamigit qanoq iliuuseqarsimanersoq ilanngullugu eqqarsaatigalugu. Kommuni qinnuigaara manna immikkut isummerfigeqqullugu, tassalu suliami allagaatinit kommunimut nassiunneqartunit ersertoq B-p angerlarsimaffiup avataanut inissinneqarneranuk akuersinini A-p 31. maj 2012-imi aamma 14. juni 2012-imi tunuartissimagaa.

Kiisalu Kommuni Z qinnuigaara B-p inissinneqarsimanera, A-p inissiinissamut akuersisimanermik tunuartitsisimanera isiginiarlugu, inatsimmi piumasagaataasunut naapertuutunersoq pissutissaqanngitsumik kinguarsaanani qulakkeeqqullugu.

Kommuni Z qinnuigaara A-p inissinneqarsimanera inatsimmi piumasagaataasunut naapertuutunersoq pillugu aalajangiinnermi assilineri kiisalu kommunip suliami A-mut allaffigegatiginnittaleqqinnermi allagarisimasaasa assilineri uannut nassiuteqqullugit.”

Kommuni Z-ip akissutaa allakkatigut 25. november 2015-imeersutigut kommunip suliami allagaatinik ilaqartinneqartutigut tiguara, tassanngalu ilaatigut makku erserput:

“Suliami allagaatit kommunip Kommuni Y-mit (siusinnerusukkut oqarasuaatikkuq oqaatigineqartutut Kommuni X-imiunngitsoq) tigusani tamaasa nassiuppai, suliami allagaatit Kommuni Z suliarineqartut ilanngullugit.

Suliami allagaatit kommunip 7. november 2014-imi tiguai.

Suliami allagaatini tiguneqartuni ilaapput B-p angerlarsimaffiup avataanut inissinneqarnisaanik akuersissutiginninnerup atorunnaarsinneqarnissaa pillugu saaffiginnissutit, Ombudsmandip allakkamini innersuussutigisimasai.

Inissiinerup inatsisikkut tunngavigisaanik nalornissuteqarnerup saqqummiunneqarsimanera kommunip allagaatit tiguneqarnissaat sioqqullugu ilisimasimanngilaa.

Suliami allagaatit A-p anaanaata kommunimut nuunneranut atatillugu tiguneqarnerinut atatillugu kommunip malugaa B anaanaminut 2012-imi junimi ilumut angerlartinneqarsimagaluartoq, kingusinnerusukkulli paaqqiffimmut Æ-mut inisseqqinneqarsimasoq, sulilu tassaniilluni. Kommunip allagaatinik tigusinnermi kingornatigut paasinninnera unaavoq anaanaasup B angerlarsimaffimmini tigujuumasimanngikkaa. Paaqqinniffiup Æ-p ukiup affakkaartumik nalunaarusiaa 9. august 2013-imeersoq assersuutitut takuuk.

Kommuni Z-ip paaqqinniffik Æ tamatuma kingornatigut ingerlaavartumik attaveqarfigisarsimavaa, attaveqatigiinnerlu taanna suliamilu allagaatit Kommuni Y-mit tiguneqartut aalavigalugit Kommuni Z-ip paasinninnera unaavoq paaqqinniffimmut Æ-mut/Ø-mut 4. september 2012-imi inisseeqqinnerup kingornatigut naammagittaalliummik saqqummiussisoqarsimanngitsoq, tamatumalu kingornatigut paaqqinniffimmiinneq inatsisunik unioqutitsisuunngitsoq.

Taamaattumik paaqqinniffimmiinneq inatsisinik eqqortitsisuunersoq misissussallugu kommuni Ombudsmandip saaffiginninnera sioqqullugu pissutissaqarsimanngilaq.

Kommunilli paasinneqqaarnera unaavoq A-p Ombudsmandimut naammagittaalliutaa B-p angerlartinneqarnissaanik taassuma kissaateqarneranut takussutissaasoq.

Suliami allagaatit Kommuni Y-mit aamma Kommuni X-imit tiguneqartut massakkut inissii-nerup angajoqqaamik akuersisitsilluni akuersisitsinaniluunniit pisimanera pillugu erseqqisumik paasissutissiingimmata kommunip Kommuni Y aamma Kommuni X ingerlaannaq attaveqarfiginiarpai, B-p paaqqinniffimmut massakkut inissinneqarsimaneranut tunngavik qulaajarniarlugu, anaanaasullu angerlartitsinissamik qinnuteqaataa kingulleq pillugu suliap suliarineqarneranik taanna aallaavigalugu aallartitsilluni.” (Ombudsmandeqarfimmi nutsigaavoq)

Kommuni Y-p akissutaa imaattoq allakkatigut 16. december 2015-imeersutigtu tiguara:

“Qulaani pineqartumut tunngatillugu illoqarfimmi YY-mi Ilaqutariinnermut Immikkoortortaarfimmit allakkat tiguneqartut ulloq 16/11.2015 Inatsisartut Ombudsmandianit allakkiarineqarnissaa piumasarineqarmat ilaqutariit pineqartut sullinneqarneranut tunngatillugu ataani allakkiarineqarput.

Ukioq 2013 aallartilaartoq martsimi ilaqutariit A, [...] illoqarfimmut YY-mut nuupput ilaqtutani ilagalugit aappaasoq C paniallu [...], kingornalu Kommuni X-imit sagsakter nas-siunneqarsimasut tiguneqarput Kommuni Y-mi illoqarfimmi YY-mi.

Sagsaktit malillugit siullermik angajoqqaatut oqartussaaffilik aggersarneqarpoq meeqqat angajoqqaallu sullinneqarnerat ingerlaqqinniassammat, ajoraluartumillu angajoqqaanit kinguneqartinneqarneq ajorluni tutsaqassananilu.

Ukioq 2014 januarip 2-ani anaanaasoq inniminniivoq panini pillugu B oqaloqatiginnikkusulluni, oqaloqatigineqarput aappaasorlu marluullutik takkukkamik ulloq 03/01-2014 tassani oqaloqatigineranni ningiuugallartoq peqatigineqarpoq oqaloqatigineranni. Saaffigin-nissutigaallu akiligassanik nassinneqarsimanerminnik meeqqamik inisseqqasuuteqarnerminni qaammammut akiliutigineqartartut pillugit, namminerlu akilerniarnagit oqariartuutiga-lugu akiligassallu nassiunneqarsimasut sullissisumut qimaannarlugit. Meeqqanik inuusuttunillu ikiorsiisarneq pillugu Inatsisartut peqqussutaat nr. 1, 15. april 2003-meersoq § 38 malillugu pisussaaffigimmagu akilersuissasoq, taakkua akiligassat adresseqarfiannut nassiunneqaqqipput.

Oqaloqatigineranni annertuumik kamaqarput, oqalunnerminnilu annertuumik meeqqap pi-suussutigisaanik pisoqartarsimasoq taamaalilluni angerlarsimaffiup avataanut inissinneqarsimasoq.

Oqaloqatigereernerinilu kingorna mailikkut ingerlatitseqqipput ingerlatinneqarsimasullu takuneqarsinnaapput ilanngunneqartuni journaliani allaqqasut qallunaatut, annertuumik isornartorsiunerit sullinneqarneranni pinngitsaalineqarsimasutut oqariartuutigaat uffalu taamaattoqanngitsoq, nassuiaanneqarput meeqqap pisariaqartitsinera aallaavigalugu pingaaruteqartoq ingerlaqqissappat suleqatigiinnissaq ulluinnarnilu attaveqarfiginissaa, meeqqap pisariaqartimmagu.

Taannalu erseqqissumik akissuteqarfigineqanngilaq nassuiaatigineqartullu akerlianik isumaqataanngiffiginniinnaavillutik. Meeraq pisariaqartitsivoq angajoqqaaminik attaveqarnisaminik kissaataalu malillugu anaanaasoq suleqataajumanngimmat ataataava [illoqarfimmi ...]-mniittoq attaveqarfigilluartarmagu meeraq illersorniarlugu juullisoriartinneqarpoq feriatinneqarnikuullunilu, anaanaasoq paasitinneqarpoq kingornalu akerliulluni allaqarpoq akuerinagu ataaminukartarnera namminerlu attavigerusunnagu.

Efterskolemut qinnuteqarnerit ingerlanneqalermata arlaleriarlugu aggersarneqarpoq nassuiaanniarlugu B-p kissaatigimmagu efterskolernissani, siunissamilu takorluugai kusanaqimmata tapersornarlunilu taannalu pillugu sianerfigisaqattaarnerani iluatsillugu tigummagu oqaloqatigineqarpoq telefonikkut. Oqaloqatiginninnerup kingorna allagaqarpoq mailikkut nammineq akuerinagu akissaqartinnginnamiuk taannalu pillugu sullissisoq isumasieriarluni siunnersuutigineqarmat kommunimit akiliunneqarnissaa neqeroorutaasinnaasoq, taannalu pillugu sianerfigineqarpoq ilisimatinneqarluni akuersaarpoq.

Anaanaasup suleqataarusunnginneranut tunngatillugu Kommuni Y illoqaarfimmi YY-mi sullissisoq aqutsisullu immikkut aalajangiisariaqarsimapput B-p kissaatai aallaavigalugit attaveqarusunneranut tunngatillugu, immikkullu tikillugu tikeraartinneqarnikuusimalluni, angajoqqaatut oqartussaasoq peqatigalugu netværksmøde ingerlanneqarniarnikuugaluarpoq iluatsinngitsoornikuullunilu ingerlanneqarnikuunngilaq.

Ukioq 2014 B-mut tunngatillugu anaanaasoq suleqatiginiarnera ilungersunarsimavoq, naggataatigut angerlarsimaffianut nalunaarutitaqanngitsumik alakkarneqarsimavoq pu-larneqarlunilu tassanilu oqaloqatiginerani sullissisumit malugineqarsimavoq angajoqqaatut oqartussaaffik annertuumik aapparminut panimminullu akunnermiliuteqqasusooq aappari-sanilu ajugaatittuaannarlugu taamaalilluni B-mut attaveqannginnera annertunerulluni, suleqataarusunnginnera annertummat eqqarsaatissinneqarnikuuvoq suleqataarusunner-soq imal. suleqataarusunnginnerasoq, nassuiaanneqarlunilu taakkunani marlunni arlaat aaliangerpagu suleriaatsit suut atorneqassanersut meeqqanik inuusuttunillu ikiorsiisarneq pillugu Inatsisartut peqqussutaat nr. 1 april 2003-meersoq malillugu. Inissinneqarnerani atsiornikummat qanimullu angerlartinneqarnissaanut suliamik ingerlaartoqartussaaga-

luarmat taamaammat suleqatigerusukkaluarlugu, paasillugu akuersaarpoq, aammalu atsi-ornikuugaluarluni suleqataarusunngiinnarpat aaliangiusimaannaruniullu suleqataarusunnginnini aaliangertariaqassasoq akuersisitseqqaarani angerlarsimaffiup avataanut inissineq pisariaqalersinnaasoq. Feriarnermi eqqarsaatigiumagamiuk uterunillu Nunatsinnut akissuteqarusulluni akissuteqarnikuunngilaq kingorna paasivarput Kommuni Z-imut nuusimasut taamaalilluta sagsakter nassiunneqarnikuupput.”

Malitseqartitsissutitut e-maili 11. januar 2016-imeersoq Kommuni Z-imit tiguara, tassungalu ilaatigut Kommuni Z-ip Kommuni Y-mut aamma Kommuni X-imut allagai 27. november 2015-imeersut kiisalu Kommuni Y-p Kommuni Z-imut akissutaa 17. december 2015-imeersoq Kommuni Y-p uannut oqaaseqaataata 16. december 2015-imeersup annertunerusutigut assinga ilanngunneqarsimapput.

Inissinermi nalunaarusiamit erserpoq B paaqqinniffimmut Å-mut 23. februar 2016-imi inissinneqarsimasoq.

Kommuni X-ip allakkannut 25. november 2015-imeersunut akissutaa imaattoq allakkatigut 4. marts 2015-imeersutigut tiguara:

“Inatsisartut Ombudsmandiata Kommuni X 11. november 2015-imi qinnuigaa B-p angerlarsimaffiup avataanut inissinneqarneranut atatillugu oqaaseqaateqaqqullugu.

Suliami allagaatini takuneqarsinnaasutut B paaqqinniffimmut Æ-mut 29. november 2011-imi inissinneqarpoq, angajoqqaatut oqartussaassuseqartoq akuersisillugu. Akuersissuteqartoqarneratigut angerlarsimaffiup avataanut inissinissamik qinnuteqaat Isumaginninnermut Ataatsimiititaliap 1. december 2011-mi ataatsimiinnermi akueraa.

A, taassuma inooqataa B-lu Meeqqanik Ilaqutariinnillu Sullissivimmut 2. september 2011-imi innersuunneqarput, ilaqutariimmi pissutsit atukkatik B-mullu tunngasut suliarinissaat kissaatigimmassuk, ilaqutariimmi B-lu ajornartorsiuterpasuaqarmata.

A-p meeqqami B-p ulloq unnuarlu paaqqinniffimmi Æ-mi illoqarfimmi XX-imiittumi inissinneqarsimanera akueriunnaaraa eqqartussissuserisup D-p allagai 14. juni 2012-imi ulluleneqarsimasut Kommuni X-ip tiguai.

Taamaalilluni B-p imminnut angerlartinneqarnissaa A-p kissaatigaa.

Ilaqutariinnut meeqqamullu iliuusissanut pilersaarusiaq angerlartitsinermut uiggiullugu suliarineqassasoq tassanilu akuersissuteqartoqarneratigut inissiinermut taarsiullugu allatigut ikiorsiiniutit qulaajarneqarnissaat A-p aamma kissaatigaa.

Paaqqinniffiup Æ-p nalunaarusiaani 9. august 2013-imeersumi oqaatigineqarpoq B anaanaminut A-mut 2012-imi junimi angerlartinneqarsimasoq.

B-p anaanaminut annersarneqarsimaneranik taamaattumillu paaqqinniffimmut Æ-mut inisseqqinneqarsimaneranik isumaginninnermi pigaartuusup nalunaarusiaa Kommuni X-ip 23. juni 2012-imi tiguaa.

Meeqqanik Ilaqutariinnillu Sullissiviup inaarutaasumik nalunaarusiaa Kommuni X-ip 12. november 2012-imi tiguaa. Meeqqanik Ilaqutariinnillu Sullissivimmi sullissinerup ingerlana unitsinneqarpoq, naliliisoqarmammi oqaloqatiginneqqinnissamut tunngavissaaruttoq, tassami A-p taassumalu inooqataata B-mut attaveqarnissartik kissaatiginngimmassuk.

B-p paaqqinniffimmi Æ-mi inisinneqarnera paaqqinniffiup Æ-p qaammatini qulini ingerlareerneratigut paaqqinniffimmi Ø-mi inissiinngortillugu 30. august 2012-imi allangortinneqarpoq.

A Kommuni Y-mi illoqarfimmut YY-mut 1. marts 2013-imi nuuppoq, suliamilu allagaatit Kommuni X-ip Kommuni Y-mi illoqarfimmut YY-mut 8. april 2013-imi nassiuppai.

Inatsisartut Ombudsmandiata allagai Kommuni X-ip 14. april 2015-imi tiguai, tassanilu nalunaarutigineqarluni B-p akuersissutitaqanngitsumik angerlarsimaffiup avataanut inisinneqarnerani suliap ingerlasimanera A-p naammagittaalliutigigaa.

Suliami allagaatini takuneqarsinnaanngilaq B-p 2012-imi junimi angerlartinneqarnera assigiinngitsunik suliallit suleqatigiiffiattut ataatsimiititaliamit inassuteqaatigineqarsimanersoq suliasaqarfimmi tassani pisortamit akuerineqarsimanersoq, taamatuttaarlu paaqqinniffimmut Æ-mut paaqqinniffimnullu Ø-mut inisseeqqinneq assigiinngitsunik suliallit suleqatigiiffiattut ataatsimiititaliamit inassuteqaatigineqarsimanersoq Isumaginninnermullu Ataatsimiititaliamit akuersissutitaqanngitsumik inissiinertut akuerineqarsimanersoq takuneqarsinnaanani." (Ombudsmandeqarfimmi nutsigaavoq)

Kommuni X-ip, Kommuni Y-p Kommuni Z-illu akissutaat qulaani taaneqartut tunngavigalugit kommunit qinnuigaakka suliaq pillugu oqaaseqaateqaqqeqqullugit.

Taamaalillunga Kommuni X 6. april 2016-imi ilaatigut imatut allaffigaara:

“Kommuni X-ip uannut allakkatigut 4. marts 2016-imeersutigut akissutaa matumuuna uterfigaara.

1. Kommuni X qinnuigaara manna pillugu nassuiaateqaqqullugu, tassalu suliani allagaatinit Kommuni X-ip nassiusaanit ersertoq A-p 31. maj 2012-imi Meeqqanik Ilaqutariinnillu Sullissiviup killiffik pillugu nalunaarusiaa pillugu oqaaseqaateqarnermigut B-p angerlartinneqarnissaa kissaatigalugu oqaatigisimagaa kiisalu B-p inissinneqarneranut akuersinini eqqartuussissuserisup D-p A sinnerlugu allagaasigut 14. juni 2012-imeersutigut tunuartissimagaa.
2. Kommuni X qinnuigaara B-p angerlartinneqarnissaanik kommunip aalajangiineranut tunngaviusoq kiisalu B-p tulleriinneri malillugit paaqqinniffimmut Æ-mut inisseqqinneqarneranut matumalu kingornatigut paaqqinniffimmut Ø-mut inissinneqarnissaanik kommunip aalajangiineranut tunngaviusoq pillugit sukumiinerusumik nassuiaateqaqqullugu.

Kommuni X-ip uannut akissummini oqaatigigaa “Suliami allagaatini takuneqarsinnaanngilaq B-p 2012-imi junimi angerlartinneqarnera assigiinngitsunik suliallit suleqatigiiffiattut ataatsimiititaliamit inassuteqaatigineqarsimanersoq suliassaqarfimmilu tassani pisortamit akuerineqarsimanersoq, taamatuttaarlu paaqqinniffinnut Æ-mut Ø-mullu inisseqqinneq assigiinngitsunik suliallit suleqatigiiffiattut ataatsimiititaliamit inassuteqaatigineqarsimanersoq Isumaginninnermullu Ataatsimiititaliamit akuersissutitaqanngitsumik inissinertut akuerineqarsimanersoq takuneqarsinnaanani.” Akissut taanna sukumiisuunngitsutut isigaara.

[...]”

Kommuni Y 6. april 2016-imi imatut allaffigaara:

“Kommuni Y-p uannut allakkatigut 16. december 2015-imeersutigut akissutaa matumuuna uterfigaara.

1. Kommunian Y qinnuigaara A-p illoqarfimmut YY-mut nuunneranut atatillugu isumaginninnermi suliami B-mut tunngasumi allagaatit tigugamigit qanoq iliuseqarsimanini pillugu sukumiinerusumik nassuiaateqaqqullugu.

Kommuni Y-p uannut akissummini ilaatigut oqaatigaa “Sagsaktit malillugit siullermik angajoqqaatut oqartussaaffilik aggersaarneqarpoq meeqqat angajoqqaallu sulinneqarnerat ingerlaqqinniassammat, ajoraluartumilli angajoqqaanit kinguneqar-

tinneqarneq ajorluni tutsaqassananilu." Akissut taanna sukumiisuunngitsutut isi-gaara.

2. Kommuni Y qinnuigaara manna pillugu nassuiaateqaqqullugu, tassalu suliani allagaatinit Kommuni X-ip nassiusaanit ersertoq A-p 31. maj 2012-imi Meeqqanik Ilaqutariinnillu Sullissiviup killiffik pillugu nalunaarusiaa pillugu oqaaseqaateqarnermigut B-p angerlartinneqarnissaa kissaatigalugu oqaatigisimagaa kiisalu B-p inissinneqarneranut akuersinini eqqartuussissuserisup D-p A sinnerlugu allagaasigut 14. juni 2012-imeersutigut tunuartissimagaa.
3. Kommuni Y qinnuigaara A-p inooqataatalu C-p e-mailikkut 4. januar 2014-imeersukkut Kommuni Y-mi suliamik suliarinnittumut [...] -mut nassiuunneqartukkut naammagittaalliutaannut atatillugu qanoq iliuseqarsimanini pillugu sukumiinerusumik nassuiaateqaqqullugu.

Kommuni Y qinnuigaara naammagittaalliummi immikkoortunut ukununga atatillugu qanoq iliuseqarsimanini pillugu immikkut nassuiaateqaqqullugu:

- a) B akuersisitsinani inissinneqarsimasoq,
- b) A-p kommunip inissiineranut tunngaviusoq pillugu paasissutissat piumasimagai,
- c) kommunip A inissiinermut akuersitinniarsimagaa kiisalu [...]"

Kommuni Z 6. april 2016-imi ilaatigut imatut allaffigaara:

"Kommuni Z-ip allagai 25. november 2015-imeersut kiisalu malitsigitatut e-mailia 11. januar 2016-imeersoq matumuuna uterfigaakka.

Kommuni Z-ip akissutaa tunngavigalugu ukuninnga apeqqtissaqarpunga, kommunilu qinnuigaara taakku akeqqullugit.

1. Kommuni Z qinnuigaara A-p illoqarfimmut ZZ-imut nuunneranut atatillugu isumaginninnermi suliami B-mut tunngasumi allagaatit Kommuni Y-p allagaasigut 30. oktober 2014-imeersutigut tigugamigit qanoq iliuseqarsimanini pillugu nassuiaateqaqqullugu.
2. Kommuni Z qinnuigaara manna pillugu nassuiaateqaqqullugu, tassalu suliani allagaatinit Kommuni X-ip nassiusaanit ersertoq A-p 31. maj 2012-imi Meeqqanik Ilaqutariinnillu Sullissiviup killiffik pillugu nalunaarusiaa pillugu oqaaseqaateqarnermigut B-p angerlartinneqarnissaa kissaatigalugu oqaatigisimagaa kiisalu B-p inissinne-

qarneranut akuersinini eqqartuussissuserisup D-p A sinnerlugu allagaasigut 14. juni 2012-imeersutigut tunuartissimagaa.

[...]

Kommuni Z-imut allakkanni 11. november 2015-imeersuni kommuni qinnuigaara "B-p inissinneqarsimanera A-p inissiinissamut akuersisimanermik tunuartitsisimanera isiginiarlugu inatsimmi piumasaqaataasunut naapertuuttuunersoq pissutissaqanngitsumik kinguarsaanani qulakkeeqqullugu".

Kommunip akissutaanit erserpoq A-p uannut naammagittaalliuutaa kommunip imatut paasigaa B-p angerlartinneqarnissaa A-p kissaatigigaa, kommunillu suliaq anaanaasup angerlartitsinissamik qinnuteqaataanut tunngasoq aallartinniaraa.

Allakkanni 11. november 2015-imeersuni kommuni aamma qinnuigaara B-p massakut inissinneqarsimaneranut tunngaviumik kommunip aalajangiinerata assilinerata kiisalu kommunip A-mik tamatuma kingornatigut allaffigeqatiginnittarnerani allagaasimasut assilineri uannut nassiuteqqullugit. Oqaatigaara kommunimit tamakkuninnga tigusaqanngitsunga.

Kommunip Kommuni Y-mut aamma Kommuni X-imut saaffiginnissutaasa kiisalu Kommuni Y-p Kommuni Z-imut akissutaata assilineri kisiisa tiguakka.

Taamaalillunga tamanna imatut paasivara kommunip B-mik massakut inissiisimanerata A-p inissiinermut akuersinermik tunuartitsisimanera isiginiarlugu inatsisikkut piumasaqaataasunut naapertuuttunngortinneqarnissaa kommunip sulii qulakkeersimanngikkaa.

Kommuni tamanna tunngavigalugu qinnuigaara suliaq ingerlaannartumik malitseqartitsiveqqullugu, B-llu massakut inissinneqarsimanerata inatsisikkut piumasaqaataasunut naapertuuttunngortinneqarnissaa qulakkeeqqullugu, tamatumalu assilinerata uannut nassiuteqqullugu.

Tamatununga atatillugu oqaatigaara A-p inooqataatalu C-p uannut 16. marts 2016-imi saaffiginninneranni paasitineqartunga B Kommuni Z-ip paaqqinniffimmut Å-mut illoqarfimmi XX-imiittumut 24. februar 2016-imi inississimagaa."

A-p e-maili 18. april 2016-imi uannut nassiuppaa, A-p tulleriinneri malillugit Kommuni Y-mik aamma paaqqinniffimmik Ø-mik allaffigeqatiginninnerani allagaasimasunik ilaqartinneqartoq.

Kommuni Z-ip akissutaa imaattoq allakkatigut 24. april 2016-imeersutigit tiguara:

“Ombudsmandip suliame saaffiginnissutaa 6. april 2016-imeersaq kommunip matumuuna uterfigaa. Kommunip Ombudsmandimut nassuiaatigallagaanut 25. november 2015-imeersumut aamma kommunip malitseqartitsissutit ilisimatitsissutaanut 11. januar 2016-imeersumut uiggiullugu apeqqutit arlallit akeqqullugit kommuni Ombudsmandip qinnuigaa. Ombudsmandip kommuni tamatuma saniatigut qinnuigaa kommunimut allakkanut 11. november 2015-imeersunut uiggiullugu ilassutaasumik nassuiaateqaqqullugu.

Kommunip aallaqqaasiutitit paasissutissiissutigisinnaavaa Kommuni X-ip akissutaa maani 9. marts 2016-imi massakkut tiguneqarsimasoq, taannalu ilanngullugu nassiunneqarpoq.

Akissummit tassannga erserpoq B-p paaqqinniffimmut Æ-mut/Ø-mut inissinneqarneranut tunngaviusoq Kommuni X-ip nassuiarsinnaangikkaa.

B-p anaanaata e-mailikkut saaffiginnissutai 21. marts 2016-imeersaq aamma 17. april 2016-imeersaq Kommuni X-ip akissutaata tiguneqarnerata kingunitsiannua Kommuni Z-ip aammattaaq tiguai, taakkulu taamatutaaq ilanngullugit nassiunneqarput.

Kommuni X-ip akissutaa B-llu anaanaata saaffiginnissutai paasissutissatut nutaatut pingaaruteqartutullu Kommuni Z-ip isigai, taamaattumillu suliaq kommunip misissorniarpaa kiisalu kommuni qanoq iliuuseqarsinnaanersoq aamma qanoq iliuuseqassanersoq naliliiniarluni.

B-mut iliuusissanut pilersaarutip kingulliup assilinera Kommuni Z-ip aammattaaq ilanngullugu nassiuppaa.” (Ombudsmandeqarfimmi nutsigaavoq)

Kommuni X-ip Kommuni Z-imut allagai 4. marts 2016-imeersut Kommuni X-ip uannut oqaaseqaataatut 4. marts 2016-imeersutut oqaasertalersugaa-sut Kommuni Z-ip allagaanut 24. april 2016-imeersunut ilanngullugit nassiunneqarput.

A-p Kommuni Z-imut e-mailia 17. april 2016-imeersaq Kommuni Z-ip allagaanut 24. april 2016-imeersunut aammattaaq ilanngullugu nassiunneqarpoq. E-mailimit Kommuni Z-imi suliamek suliarinnittumut ingerlatitaasumit ilaatigut makku erserput:

“Naammagittaalliuuterput nassiupparput, taamaattutullu suliarineqarnissaa kissaatigalugu.

Erseqqilluinnartumik nassuiaavugut.

- Kommuni X inatsimmik unioqqutitsilluni inissiinermut, inissiinermik nakkutilliinermut kiisalu piffissami Kommuni X-imi najugaqarfigisatsinni iliuusissanut pilersaarummik ilusilersuisoqannginneranut akisussaasuvoq.
- Kommuni Y-p B-p inatsimmik unioqqutitsilluni inissinneqarneranut, inissiinermik nakkutilliinermut kiisalu piffissami Kommuni X-imi najugaqarfigisatsinni iliuusissanut pilersaarummik ilusilersuisoqannginneranut akisussaasuvoq.
- Kommuni Z inatsimmik unioqqutitsilluni inissiinermut, inissiinermik nakkutilliinermut kiisalu piffissami Kommuni X-imi najugaqarfigisatsinni iliuusissanut pilersaarummik ilusilersuisoqannginneranut akisussaasuvoq.
- Paaqqinniffiit $\text{Æ}/\text{Ø}$ piffissaq tamaat akisussaasuupput, anguniagassatullu allaaserisaq sumiginnarluinnarsimallugu. Aamma tupigineqarsinnaavoq meeqqamik inatsit unioqqutillugu inissinneqarsimasumik tiggummissaqarnissartik akuerisimammassuk.

Inissiinerup inatsimmik unioqqutitsisuunera, iliuusissanut pilersaaruteqannginnera B-millu nakkutilliinerup ajorluinnarsimanagera oqartussaasut tamarmik ilisimasimavaat.

[...]

Suliaq uatsinnut tunngasoq massakkut Kommuni Z-imiippoq, taannalu oqartussaasutut tassaasariaqarluni suliamik misissuinerup tunngasumik piviusunngortitsisussa, angajoqqaatullu oqartussaasuseqarnermik tiggummiagartup qanoq iliorluni naleqquttumik qanngamiillu taarsiivigineqarnissaanik aamma piareersaasussa.

[...]

Nutaamik siumut sammititaasumik inissiineq eqqarsaatigalugu qinigassaqarpallaanngilagut, pitsaasumik suleqatigiittoqarnissaa upperaara neriutigalugulu.

Paasissutissat amerlanerusut perusunneqqarpata naammagittaalliuut ilanngussartalik taakoqquneqarpoq.

Oqaatigisimavarput ajornanngippat qaammatip ataatsip iluani tiggussaasumik paasitinnegarnissarput kissaatigipput. Suli tamanna kissaatigaarput.

Naammagittaalliuterput paasiuminaatsutut isigigukku ingerlariaqqittariaqarpugut. (Ombudsmandeqarfimmi nutsigaavoq)

Kommuni Y-p akissutaa allakkatigut 23. maj 2016-imeersutigut tiguara. Akissummut tassanga ilaatigut makku erserput:

“Pillugu: B angerlarsimaffiup avataanut inissineqarsimanera pillugu akissut allakkat ulloqartut 6. april allakkat nr. 41512

1. Apeqqut

Ulloq 06.maj 13 allakkatigut A ilaqutariinnermut immikkoortortamut aggersarneqarsimagaluarpoq takkusimangilaq.

Ulloq 10. maj 13 allakkatigut A ilaqutariinnermi immikkoortortamiit aggersarneqarsimagaluarpoq aamma takkusimangilaq.

Ulloq 10. juni 13 nal. 13.00 allakkatigut A ilaqutariinnermi immikkoortortamut aggersarneqaaqqissimagaluarpoq, pineqartoq tuttaqaranilu aamma takkussimangilaq.

Ulloq 03. januar 14 ilaqutariinnermut immikkoortortaqqarfimmut inniminniisimallutik takkussimapput, tassanilu aamma nassuiaanneqarsimapput aggersarneqartarsimagaluartut takkuttarsimangitsulli.

Ulloq 03.juli 14 angerlarsimaffianut pulaarlugu A oqaloqatigineqarsimavoq, tassanilu eqqaasimallugu suleqataanninnerminut pequtaasoq Kommuni X-imiit sullinneqarsimanertik aallaavigalugu sullinneqarnerlussimanerminnik isummaminnik akueriuminaatsilernikuullugu. Soorlu FC-mit [Familiecenterimit, uanga ilanngussara] sullinneqalersimapput B peqataatinneqarnani illua'tungaanillu B-p iliuusai sakkortusigaluttuinnarsimallutik nagga-taatigut artuleramikku namminneq ikioqqusimanerarpugut, angerlarsimaffiup avataanut inissinneqartoqarneranik.

2. apeqqut

Apeqqutissartaqanngilaq.

3. Apeqqut

Sullissisuusimasup suliap ingerlaqqinnissaanut qullersaminut ingerlatitsisimasooq ersippoq, kisianni qullersaniit qanoq iliuuseqartoqarsimaneranik takussutissaqarani.

a) Takussutissaqanngilaq.

b) Suut tunniunneqarsimaneranut takussutissaqanngilaq.

c) Kommuni X-imi B-p inissinneqarsimaneranut takussutissanik ersittoqanngilaq, aamma-lu inissisimaannarnissaanut takkutissaq apeqqut 1-imi kingulleq kisimi takussutissaalluni.

d) Takusinnaasagut malillugit ulloq 28.1 1.2013 iliuusissamik pilersaarummik sanasoqar-simagaluarpoq, atsiorneqarsimanerannik takussutissaqanngilaq, kisiannili Kommuni X-
imut ingerlatinneqarsimalluni suliareqqitassatut.

[...]"

Suliami allagaatit amerlanerusut Kommuni Y-p akissutaannut ilanngullugit aammattaq nassiunneqarput.

Suliap killiffia Kommuni Z-ip e-mailiatigut 24. juni 2016-imeersukkut ilanngussartalikkut tiguara. E-mailimit ilaatigut makku erseput:

"Suliaq ullumikkut misissorpara, Kommuni Z-illu suliamik suliarinninnerani killiffik imaattoq nalunaarutigissallugu:

1. Angerlartitsinissamik kissaatigisaq/inissiinissamut akuersinermik tunuartitsineq kommunip suliarisimangikkai paasivara. Taamaattumik suliap pisariaqartumik suliarineqarnera ullumikkut aallartippara, sapaatillu akunnerisa tulluuttut marluk ingerlaneranni inatsisinik unioqqutitsiunnaarsitsisumik aalajangiisoqarnissaa naatsorsuutigtalugu.

A aamma Å (paaqqinniffik B-p inissisimaffia) ullumikkut allaffigaakka, qinnuigalugillu paasisutissat suliamik suliarinninninni pisariaqartitakka uannut nassuteqqullugit.

A-p inissiinermut akuersinermik tunuartitsisimanerata kommunimit suliarineqarsimanginnera soorunalimi ajuusaarnartorujussuuvoq.

[...]

3. Ombudsmandip allagaanit ersepoq suliaq Kommuni Z-ip 30.10.-14-imi tigusimagaa. Suliami allattuiffitsinnit ersepoq suliaq 7.11.14-imi tigusimagipput. Kommuni Z-ip suliaq tigugamiuk qanoq iliuuseqarsimansoq Ombudsmandip allagaani apeqqutigineqarpoq. Piffissami suliap Kommuni Z-imit tigummineqarfiani kommunip ullormiit ullormut suliarinninnerit isumagisimavai. Tassa imaappoq ulloq unnuarlu paaqqinniffimmik taamani suleqateqarneq, aningaasartuutininik assigiinngitsunik akuersissuteqartarneq, ulloq unnuarlu paaqqinniffimmut allamut inissiineq aamma

Ombudsmandimi naammagittaalliummik suliarinnineq.” (Ombudsmandeqar-
fimmi nutsigaavoq)

B angerlarsimaffiup avataani akuersisitsinani inissisimassasoq Kommuni Z
13. juli 2013-imi aalajangiivoq.

E-mail 14. juli 2016-imeersoq malitseqartitsiviusoq ilanngussartalik Kom-
muni Z-imit tiguara. Kommuni Z-ip aalajangiinera 13. juli 2016-imeersoq A-
mut ingerlatitaasoq e-mailimut ilanngullugu nassiunneqarpoq. Aalajangii-
nermit erserpoq panimmi B-p angerlartinneqarnissaanik A-p qinnuteqaataa
Kommuni Z-ip suliarisimagaa. E-mailimit aamma erserpoq Kommuni Z
meeqqanik inuusuttunillu ikiorsiisarneq pillugu peqqussummi § 10 inner-
suussutigalugu aalajangiisimasoq B inissisimaneqaannassasoq, taamaattorli
akuersissutitaqanngitsumik. Kommunip aalajangiinermi tassani Isumagin-
ninnermi Naammagittaalliuuteqartarfimmut naammagittaaliortoqarsinnaa-
nera ilitersuutigisimavaa.

B-p ulloq unnuarlu paaqqinniffimmut Å-mut inissinneqarnera pillugu nalu-
naarusiap assiliner Kommuni Z-ip e-mailianut 14. juli 2016-imeersumut i-
lanngullugu taamatuttaa nassiunneqarpoq.

Kommuni Z-ip aalajangiinera A-p Isumaginninnermi Naammagittaalliuute-
qartarfimmut 21. juli 2016-imi naammagittaalliuutigaa.

E-mail A-mit 27. august 2016-imi tiguara, Kommuni Z-imut naammagittaal-
liutip ullulernerqarsimanngitsup B-p inissinneqarnera pillugu naammagit-
taalliuutigineqartunik arlalinnik imallip assilineranik ilaatigut imaqartoq.

E-mail nutaaq A-mit 28. august 2016-imi tiguara. Kommuni Z-imut naam-
magittaalliuut qulaani taaneqartoq e-mailimut ilanngullugu nassiunneqar-
poq. Tassanga erserpoq naammagittaalliuut kommunimut 28. august
2016-imi nassiunneqarsimasoq. A uannut e-mailimini ilaatigut imatut allap-
poq:

“Takusinnaalluarparput B inissimasariaqartoq, B-lli 18-inik ukioqalinnginnerani kommunip inissiinermik unioqqutitsisuujuunnaarsitsiniarnera unioqqutitsinernillu tamanik isiginninngitsuusaarnera tamatumalu massakut kingunerisai ingasappallaartut isumaqarpugut.”
(Ombudsmandeqarfimmi nutsigaavoq)

B [...] september 2016-imi 18-inik ukioqalerpoq, taamalu nammineersinnaassuseqalerluni.

Kommuni X-ip suliaq pillugu ilassutaasumik oqaaseqaataa imaattoq allakkatigut 20. septemberimeersutigut tiguara:

“Inatsisartut Ombudsmandiata Kommuni X 6. april 2016-imi qinnuigaa B-p angerlarsimaffiup avataanut inissinneqarneranut atatillugu nassuiaateqaqqullugu.

Inatsisartut Ombudsmandiata Kommuni X-imut apeqqutigisimasaanut akissutit:

1. Eqqartuussissuserisup D-p allagaasa 14. juni 2012-imeersut B-p inissinneqarneranut akuersinermik A sinnerlugu tunuartitsissutaasut tiguneqarnerisa kingornatigut Kommuni X-imi taamani immikkoortortaqaarfimmi pisortaasoq suliamillu suliarinnittoq aalajangerput misissuisoqassasoq, suliap B-mut tunngasup ingerlaqqinnissaanik aalajangiisoqarsinnaaqqullugu. Aalajangiinermilli ingerlatseriaatsitsinni nalunaarsuisoqarsimangilaq.

2. B-p paaqqinniffimmut Æ-mut 29. november 2011-mi atuutilersumik killiligaanngikkallartumillu inissinneqarnissaanik qinnuteqaat Isumaginninnermik Ingerlatsiviup 1. december 2011-mi akueraa. Inissiineq angajoqqaatut oqartussaassusermik tiggummiqartoq akuersitillugu pivoq. Inissiinermut tunngavilersuutigineqarpoq piffissami pineqartumi ilaqtariit iluamik ingerlasinnaasimanginnerat, tamannalu pissutigalugu angerlarsimaffiup avataanut inissiinerup B-mut pitsaanerpaasussaanera. A-p inooqataa B angerlarsimaffiup avataanut inissinneqanngippat B, anaanaa meeqqatillu angerlarsimaffimmit anisinniarlugit ilaatigut siorasaarisimavoq. Ilaqtariit naliliippat B inissinneqarpat tamanna illua'tunge-riinnut tamanut pitsaanerpaassasoq, taamaalillutik tamarmik imminnut suliarinissaminnut periarfissaqarsinnaaqqullugit.

B paaqqinniffimmut Ø-mut 30. august 2012-imi inissinneqarpoq, qaammatini qulini paaqqinniffimmi Æ-meereerluni. Ø paaqqinniffiup Æ-p ataani najugaqarfivuvoq.

[...]

Kommuni X-ip suliami paasissutissanik amerlanerusunik peqannginnera ajuusaarnartorujussuavoq. Suliamik suliarinnittut immikkoortortaqaarfimmilu pisortat suliamut attuumas-

suteqarsimasut ingerlatsivimmi atorfeqartitaajunnaarsimapput, taamaattumillu suliap ingerlasimanerata oqaluttuassartaata pissarsiariniarnera assut ajornakusoortipparput, tasami oqaatigineqartutut ingerlatseriaatsitsinni pissusissamisoortumik nalunaarsuisoqartarsimangimmat.

Sulianik ingerlatseriaatsivut pitsanngorsarlugit aallartippugut, siunissaq ungasinnerusoq eqqarsaatigalugu sulianik suliarinninnermi amigaatit taamaattut pinaveersaartinniarlugit. Sulisut tamarmik ingerlatsinermik inatsiseqartitsineq pillugu pikkorissartinneqassapput, taamatuttaarlu sulianik suliarinnittarnerput pillugu tunaartarisassat periaatsillu suliarineqarnerat aallartissimallugu.

Suliap pitsaanerpaanngitsumik ingerlasimanera taamatuttaarlu pisariaqarneratut nalunaarsuisoqartarsimanginnera assut ajuusaarutigaarput. Kiisalu akissutip matuma sivitsuloorunneqarsimanera ajuusaarutigissavara. Allaffeqarfiup iluani periaatsip nutaap taamaattut pisoqaqqinnissaa pinaveersaartissavaa." (Ombudsmandeqarfirmi nutsigaa-voq)

E-mailit marluk A-mit 19. april 2017-imi tiguakka, A-p angerlarsimaffiup avataanut akuersisitsinani inissinneqarnissaanik Kommuni Z-ip aalajangiineranik 13. juli 2016-imeersumik ilaqartinneqartut.

B-p angerlarsimaffiup avataanut A akuersitinnagu inissinneqassasoq Kommuni X-ip aalajangiinera eqqortuusoq Isumaginninnermi Naammagittaalliuteqartarfik 17. maj 2017-imi aalajangiivoq.

Suliami allagaatit paasissutissallu amerlanerusut A-mit e-mailitigut 11. august 2017-imi aamma 17. august 2017-imi tiguakka.

B-p angerlarsimaffiup avataanut akuersisitsinani inissinneqarnissaanik Kommuni Z-p aalajangiinera 13. juli 2016-imeersoq pillugu Isumaginninnermi Naammagittaalliuteqartarfiup aalajangiinera 17. maj 2017-imeersoq 14. september 2017-imi tiguara. Angerlarsimaffiup avataanut akuersisitsinani inissiisoqarnissaanik aalajangiineq eqqarsaatigalugu Isumaginninnermi Naammagittaalliuteqartarfik isumaqarpoq Kommuni Z-ip aalajangiineranik 17. maj 2017-imeersumik allannortitsinissaminut tunngavissaqarani.

Sulisuma ilaata B 25. september 2017-imi oqaloqatigaa. B-p tamatumunnga atatillugu oqaatigaa suliaq pillugu oqaaseqaatissaqarani, uangalu Ombudsmanditut suliamik suliarinninninnik ingerlatseqqinnera akuerigini/paasigini.

Kommuni X-ip, Kommuni Y-p aamma Kommuni Z-ip suliaq pillugu oqaaseqaataat A-mut suliami illua'tungiusup isumaanik tusarniaatitut allakkatigut 29. september 2017-imeersutigut nassiuppakka.

A-p kommunit pingasut taakkua uannut suliaq pillugu oqaaseqaataat pillugit oqaaseqaatai e-mailkkut 7. oktober 2017-imeersukkut tiguakka. A-p Kommuni X-ip oqaaseqaatai eqqarsaatigalugit ilaatigut makku oqaatigai:

“B angerlartinneqanngilaq. B inissisimaannassasoq illoqaarfimmi XX-imi ilaqtariinnik sullissivimmi netværksmødem i aalajangiisoqarpoq ilaqtariit kissaatigisaata paarlattuanik. Tamatuma kingornatigut paasitinneqarpugut B aasaanerani angerlarsimaffimmi feriarnissaminut akuerineqartoq. Tamatuma kingornatigut paaqqinniffimmut Æ-mut/Ø-mut uteqqissaq.

[...]

Taamaalilluni B takujumanagu nammineq piumassutsinik kissaateqarneq pineqanngilaq, pineqartorlu tassaalluni B-p [...] angerlarsimaffimminut ilusilersorluagaasumik pissarsiviumillu attaveqarfiginnissinnaalersinnani pissarsiarisimanngisannakkaminik eqqortumik ikiorneqartariaqarneranik nassuerutiginninneq” (Ombudsmandeqarfimmi nutsigaavoq)

A-p Kommuni Y-p uannut oqaaseqaatai pillugit tamatuma saniatigut ilaatigut makku oqaatigai:

“A-p akuersilluni inissiisoqarnissaa taamani atsiorpaa, tamatumalu kingornatigut angerlartitsisoqarnissaa qinnutigalugu. Itigartinneqarput, B neriorsuutigineqartutut ikiorneqanngilaq. B taassuma qanoq issusia ataaminullu attaveqalersimanera eqqarsaatiginagit uatsinnut angerlartinniarsaralugu imaluunniit inatsimmik unioqqutitsilluni inissiisimaneq akueralugu atsiortitsiniarsaraluni ulapittorujussuanngoriataarpoq. Ilami qanoq iliussaagut?” (Ombudsmandeqarfimmi nutsigaavoq)

A-p aamma oqaatigaa Kommuni Y-mik 3. januar 2014-imi ataatsimeeqate-qarnermi "piumasaqaatigisimallugu B eqqarsaatigalugu pissutsit piviusumik suleqatigiittoqarsinnaalersinnagu aaqqinneqaqqullugit [...]". A-p aammataaq oqaatigaa kommunip angerlarsimaffimmut 2014-imi pulaarnermini B-p angerlarsimaffiup avataanut inissinneqarnera pillugu akuersilluni uppernar-saat atsiortinniarlugu tatiniarsarisimagaani.